

秋澗先生大全文集

一七

化園書館

kuhwa library

開化圖書館

Kaishua Library

開化圖書館

Kaishua library

開化圖書館

Kaishua library

秋澗先生大全文集卷第六十六卷

箴

憲司箴

肅肅憲司虞夏九牧其在漢唐刺史都督控臨百城  
靡不約束既重其權匪輕所責治弘務簡望隆威赫  
有臺閣清嚴無州郡急迫繡衣四出輶軒金節命服  
有彰非爾徒設奉宣

詔條巡省按決官之邪正政之得失酌汝之言以明  
黜陟俗之媿惡民之休感恃汝注措以安以息

國有重典越惟刑辟圜土幽囚肺石寃抑汝審察  
哀矜致恤毫髮或差追悔何及剛不可憚憚則氣拂  
弱不可欺欺則衆忽事無避難避之愈集法毋情破

破之有窒何以處之必正必式一有私萌力為之克  
如松斯貞如執鳥斯擊其嚴秋霜其平砥石是乃  
邦之司直我玉無瑕彼疵可錄志行氣伸吏畏民服  
一道清寧乃稱所屬其或暗夫大體苛細是燭較利  
害之孰多至首尾之畏縮甘於慵身計日而祿官誇  
這顏厚有忸爰作斯箴敢告司僕

言箴

語戒過繁先期我  
遠理取勝過慮思邪言之不  
審察安詳時然後應一出於正其或不然  
自陷於穽念之之

忍箴

動躁輕易

有害於用

忍之為字以刃加心少或弗隱其傷必深家府維  
挺挺而全謂予平生半在官聯萬變前陳履薄臨淵  
少觸與競其心即燃自救弗暇理何有焉量汝之性  
以忍為先惟忍則濟欽哉聖言

銘

措杖銘并引

孔林之木壞異者為多魯人世不知其名者蓋夫子  
沒弟子各持其方之木末樹焉在扮檀象冕柞中名殊  
顯者獨文措耳前朝斲之板持以脩新進之儀豈思  
其人重其文敬其手植之意也欽紫陽公携二杖過  
衛一以贈予因識其措之所以為措也如是吁昔而  
簡今而杖用雖不同至於重其文敬其手植之意一

也銘曰

體堅而微色正則瑩庚庚其文挺挺其性本根傳万  
世之芳枝葉蔭百王之聖斲而杖之以扶吾道之衰  
兮庶由乎義路之正且予年之方盛是不可施於其  
鄉兮復將弊蛇妖於異日于以叩原壤之脛惟桑與  
梓必恭且敬矧吾家之草木敢不同甘棠而加愛兮  
故賡之以舞雩之詠

擯御杖銘

體堅而柔節促而澤赤藤桃竹非所狎兮青蛇奮螫  
腹紋鱗鱗入手滑兮質挺火德出入有聲豈特鏗瓜  
甲兮堂堂許公國喉舌兮杖而登朝表孤節兮是將  
代太尉之笏擊奸慝於未孽也

芝枕銘并引

予觀神農氏之經芝之種有五焉紅者如珊瑚青者如翠羽黃者如紫金白者如截肪黑者如澤漆光  
明洞徹如冰之堅五岳之山產焉後之以芝名  
若者豈柳柳州所謂天澤餘潤虽枯拊敗腐猶能  
出芝菌以為瑞物是枕之芝或間產名山或蒸出拊  
拊予不得而知也但不斤不斷底平面傾犀文外統  
疊成枕形誠可以薦牀第而承幽人之憇息也銘曰  
體似重而輕性似柔而剛豈顛木之餘拊薦幽人之  
野牀質似芝而秀文似犀而光果齋房之瑞氣化奇  
形而不忘但鬚鬚芳一枕之妙至於為芝為菌吾不  
知其物化之常秀比連蒸清凝寢香枕或強名用適

則良俾歌之藉之勿邪其所思兮是可以夢周公而  
接羲皇也

砥柱銘

水之為力無物不侵津門之險壯夫砥之為雄洪濤  
西來萬夫前攻而戰而薄我當其衝狂瀾勢倒安流  
而東屹嵩華之隆崇也吾儕小人弱值濇中衰俗外  
群邪外訐苟內省而不疚有砥心而直吾躬也

金銀沙二泉銘

山之清潤澤氣以通兮坤之靈秀醴泉以發兮太行  
蟠亘元陽所軋兮天門左界二泉並渣兮巨鰲背鑿  
室藏泄兮靈洲滄海眼徹兮泓澄一碧金瓊屑兮  
全流石爍爽冰雪兮雲煙藉潤為改色兮酌而滄

今列方挹之薦帝明水潔方淋漓膏液補天缺兮  
女媧鍊石用不竭兮夸娥施擔濯困賜兮七賢尋鹽  
醉達兮幽響傳谷錯瓊玦兮山空月落仙人揭兮  
生肥悟真訣兮我銘勒石泉不涸兮

端石硯銘

硯之同功甲與鉞試之敵場惟利堅其或不爾安用  
焉嗚呼此硯穹而圓神龜足跽舌有泉既利我穎墨  
且便青州絳州何所賢題品入格因公權處士或托  
斯銘傳

默齋銘

語寂滅者涉於絕類談自然者入於虛無嗚呼默乎  
其天地閉賢人隱括囊無咎无譽者與至於明良相

遇治具畢張一言而可以興除者如宣父夾谷之盟  
孔明隆中之論茲吾儒之事也豈得退藏於默乎豈  
得退藏於默乎

閑邪齋銘

意喜是心既安而放內閑外膠靡不馳嚮忘返從流  
于焉板蕩維禮與義以戒以懼存之以誠為閑之具  
有人于斯言動視聽庸信庸謹造次於是成德雖中  
慮萌邪侈一念或非為奸所餌易演文言一閑大焉  
一聖心權輿於軋譬海乘載一碇能安如馬泛如駕  
則旋險去而夷浪平斯洲彼碇與勒曷能舍  
何李侯周防未然操心知要惕焉拳拳言信行謹  
其庶幾一誠存中太山可移素  
聖賢同歸

兆石硯銘

吁爾洮水中  
止翠欲流礪於砥考之譜端歛齒波及  
余古月子斲而泓堅澤玳孰為尸王御史

瑋瑁龜洗銘

鑿月槃漢洗器制爾形從相類漢維魚我龜賁取彼  
壽綰元氣宜子孫傳後裔銘者誰王子系

訥齋銘

堪輿兩間事  
變靡極成始要終非言莫立玄聖垂教  
訥言為先匪曰終默時然後言喋喋利口  
返為事愆覆邦亂家身溺于洲倚槎郤君  
內思靖穎一訥銘齋浩浩其天人亡道  
存寔大其傳尚耒者而恪守猶丹書與湯  
盤也

文貞公笏銘呈竇學士公家物

唐有天下垂三百年於祭者貞觀之治焉其効蓋仁  
義之一言世之望公三辰在天是則公之德何俟笏  
而賢耶銘存物亡寔大其傳則是樵之文伊笏之曾  
玄也猗欬竇公國老之元神物有歸室之几筵安知  
無望壘而求後因甘棠而思邵伯於燕者耶

仙臺硯硯銘為宋少卿弘道作

盤盤嶺基一碧千尺湛月露以洗空隱松風之滿瑟  
仙游何之留此真跡斷而硯之是將晦靈蹤於翕歛  
藉玄雲而掩扣神物有歸蘭臺之客會登玉清蕩空  
碧斗挹滄溟醉憑鰲格拂海苔之霞煖揮仙火之巨筆也

楮都護銘

漢開西域國三十六中置都護控制約束強凌弱折  
迺有攸屬我嗜群經視為席珍繙閱不時未免絲紛  
亦作護府仰茲楮君統之有要無相奪倫侵損日遠  
緝戾日新挿架安書曰史曰墳勒銘于上策燕然勛

太秀華銘

丁生贈余湖峯一抃頂足背面蒼鱗隱  
隱渾然天成無微竇可隙植立剏間殆  
與頽頽君子相對殊可翫也昔元春陵  
新溪枉樽等銘命名既異垂戒又深予  
嘗讀而愛之因銘茲石仍擬其義

片石何狀天然自若鱗鱗蒼窈背露蛟鯢一氣渾淪  
略無巖壑太湖疑精示我以朴我思古人真風眇邈

變詐百出孰知誠確心深洞府混沌六鑿剛健篤實  
君子之質惟其似之是用比德嗚呼安得誠天下之意  
如茲石之挺特也

書厨銘

至元十七年八月三日夜與子孺灯下  
觀丹書銘因擬而作此

置之於室胡若載之腹也名汝曰厨以其無不蓄也  
腹至於饑返為汝所怛弛其戒之惟曷

鸚鵡咏金桃研銘大名列劉摠尹求子作忍  
齊堂銘奉此研見謝

翠鸚咏桃翩欲飛去棲影片洮以慧之故芸問風簾  
疑若與晤助彩毫端辯夫詞語擬黃鶴而倒芳洲賡  
正平之賦邪復明辟而以夢諫草梁公之疏也

菊井銘

余到官兩月移居司西官舍治舊井而  
新之方衆菊爛然擇其佳者植諸欄傍  
因銘之曰菊井其辭曰

養而不窮者井之德也服而能壽者菊之靈也我絜  
斯井夙羸其銜彼窈然而泓泓然而澄蓋南山之餘  
溢迺濟清而未名思欲沉浸醲郁皆菊之馨庶幾西  
河南陽之意仁吾民而制頽齡也

冬藏圖右銘

太極中分有靜有動氣與理錯未免交闕孰及聖哲  
不思而中思而或邪奚翅荒縱理明伊何精一為重  
閑邪存誠幾而可衷內莊全體外致吾用早也奚思

尹則孰覺一洗妄心及易前錯學孔之學樂顏之樂  
華去實存玉磬石斲道最中害或輟或作不學而衰  
即成枯落念至于茲立敢不卓斬惜分陰守之以恪  
敬入為門補我不及足豈三餘日新一日動靜云為  
是為之則敢告靈臺服之無斃

左箴其目是力以固窮為冬藏圖作

天運循環有泰有否人生其間迺一氣類之財曰困  
弗通為塞苟遇不安習坎而阨自昔君子器藏俟時  
出門有礙吾將安之仲由愠見阮籍窮哭惟昧困理  
于艱于孰安之有道說不徒泛堅我定力不容少濫  
氣養以剛志明由澹少焉墮昏亟為澄湛衣弊服緼  
一溫而止飯糗茹蔬一飽而已茫茫厄臺悠悠姜里

文明為夷孔玉櫝毀聖賢猶然况弗至此我道未亨  
克念終始

敬義齋銘

維天生民畀之者全氣有澄滓因之以偏惟聖立極  
俾復其天困而弗學民斯為下甘彼顛蒙時有不暇  
間有知悔或窺厥竅遺緒茫茫又昧其要大哉文言  
聖學之宗致力兼補蒙而聖功一敬內主義須外克  
凡百君子有云有為行而宜之心宰物隨抵直而在  
匪方於動事物之來未免變闕惟其夾持務成德尊  
既銘吾心復書我紳始終是則日新又新

垂龍圖銘

所翁姓陳氏福州人嗜飲恬於仕宦善

圖竜見知於宋理宗嘗以商舶越海與  
真竜遇自是尽其情狀其作也必乘醉  
潑墨為之天機所到非學而能殆遼糊  
之喫墨法云

醉墨翻雲簇聚所翁圖竜與真遇黑風吹海作太陰  
太火出山雷奮豫是將執雨機而飛天俛滂沱而洗  
吳楚

宿雲軒銘并序

吾友中丞王君買宅蘇門得奇石一峯厥狀雲如靄  
然輝應於庭戶間甚可愛也因名其軒曰宿雲徵文  
於余乃以是文表之其辭曰

瞻此來雲態度容與觸石而生與石為伍宛被南山  
宿我庭宇主人名軒其義安取是將停藹藹之容為  
思交之故邪伴東山之卧抱濟時之雨也雲兮雲兮  
出兩者之間固無心兮其後竜也須以時兮吾豈欲  
度之以自潔徒為怡悅而已邪

水晶筆格銘

玉瑩冰清太陽之精孰琢肖山之形鎮我几案虛白  
夜生息我牙稍摩壘之聲空明洞徹爛冰峰之孤撐  
物有形似吁足可驚若倚之而固寵旭日已升恐瀆  
釋而摧崩也

頤軒銘為洪同簽作

堪輿兩間物所克兮而長而養一氣融兮人惟法天

浩焉同兮願以象觀四陰內証惟養之以中正不我  
舍而彼從是以得終吉而在躬洪公孕秀海山沉推  
其材足以經制其量足以含弘贊翊樞務既貞且忠  
故謀謀應事機之會談笑折尊俎之衝不恃全美方  
致養以為功果我枵腹以正以冲虎耽其視而始而  
終見寒思煦恐邊衣之未備寸膚失養念一士之或  
瘖扁吾軒而雅飾起居飲食在日用常行之中吾將  
養已以及物致事業於無窮是知大易迺萬世之龜  
鑑尚何俟授一編於圮上之翁也

愛菊堂銘

草木之品色中氣清有隱逸之稱唯菊為能含精益  
齡晚而芳馨又類夫君子退讓而不爭圮橋老仙友

而堂名雖墮履之弗進亦足以幽人之永真華構  
傳芳三世相仍其孺慕也孝凝然心深而愛中樂不  
勝口欲言而不能自鳴者此郭氏之所以尋盟也若  
夫平泉草木固護封植亦克厥承是或一道終未極  
愛之之至情親沒觀志視行曰如其道終身是  
程嗚呼郭君至性愉色豈得於尹氏者拳拳而服膺  
吾今取爲銘以告草堂之靈安知不入九閻愴然之  
聲也邪

虹霓硯銘并序

趙太傅彥伯出示紫石大方硯請銘余  
以石有奇雯類虹霓然因以字之銘曰  
蒼梧雲蒸九疑濕碧海風濤翻出日江山通秀鬱紫

煙產此珍材比玉德金瓏繞腹泄精英電激神光掣  
蛟室雌霓斷影飲丹池暮雨連蜷一千尺號涅鄴瓦  
稱善墨石中乃有此竒質子墨客卿尤所惜大竒多  
自米家船入手摩挲三嘆息趙君文彩珊瑚鈎禮樂  
縱橫供夢筆左招協律揖孫通出入吳莖五音飭

楊氏雕玉寶章銘并序

故參政楊公之子勗家藏漢雕玉印章二方者丞相  
吉圓者太尉震也其博陽章即乃祖息軒所傳故物大  
定十二年崔憲可詩序云長安許惟寧以是博秘監盡  
于闐花驄圖得之嗚呼二公以通明正直師表兩漢今  
去千餘載其風烈凜然思其人而不得覩物增慨乃  
為作銘士桓博雅好古今為集賢直學士庶幾能紹

其家風者

漢丞相博陽侯丙吉印銘

吁宝章終寸許紐玄龜縮漢祖隸為刻見邈祖神物  
護照千古此何夕得摩汝恍坐我丞相府初望氣郡  
邸園詔夜殲拒戶樞是虽天公可無偃柳興將舊園  
乳裸恩其可辜獄有牘秘不舒是章緘金滕如婦有  
數子與俱十襲藏无太踰防有光夜衝閭六丁取媿  
貞符在博陽宜特書

漢太尉司徒楊震印銘

伊弘農漢巨儒道自任聖為徒主鱣堂閱群書表氏  
請茲為符位台鼎維國樞赫漢炎走羣龜堂堂氣忠  
義軀四知金屬貪夫殆是章玉不渝內寵橫括人殂

與雀環瘞幽墟見白日歸子裕世失系紛莫區伊莘  
揚豈公莘苟不爾胡為乎致大鳥止丘隅淚如雨洗  
冤誣佩之行可含諸我作銘此嘻噓

張指揮甘白堂銘

我識先帥于清之野緩帶輕裘投壺歌雅伊時張君  
侍立親傍虎豹在穴已炳其章及將羽林肯構其堂  
榜以甘白于先有光試嘗聽其言論諒天姿之殊常  
是將調和衆味羹傳鼎之美邪彰施五彩締上公之  
裳邪噫吾說已竟必一屈於此恐德業之未易量也

忍濟齋銘改作為楊子英題

多變而莫測者事機淺深殊跡而難度者人心善惡  
我據事會忤激交作彼以機成客氣外鑠或當懲而

乃忿可理遣而反愕隘不自容事安能若因小端而致大亂又奚翅九州之鐵而鑄一錯也理貴含弘量崇濩落功若與即是心先忤言不可出我舌為斷故堅伺桓門者收康濟之功俛出勝下者辦戡定之畧宜戒王之戒君陳見周書之噩噩

海印奎星研銘

宋秘監弘道索賦詩被

東宮旨編節世宗實錄

奎麗空文之宗秀孕石與歛逢礪而研以類從海有瀾穹浮蓋印天光終古在拱前星問有待遷玄雲集毫彩酌前言作帝誠

歛石壁研銘并序

至元癸未歲正月二日謁左山先生坐  
間出茲硯示客僕以形質異常略狀數  
語公喜甚曰汝言殊有契予心者吾子  
其為我銘之銘曰

玉德而金聲毅紋而紺理湛兮虛見明生於旁魄恍  
兮惚疑璧投於山鬼玄雲橫馭風生燕几踴諸用起  
經綸於心上發餘輝縮秋蛇於筆底是則公事業之  
美也我將靜耀碧空洞徹表裏觀春雨之散絲似高  
霖之復起也

醉仙石銘為韓通甫作

爬蟻碁緣躡躡鱉跛化而醉仙蓬首不畏傾歎落魄  
對客程裸惟不適用得脫秦火黯桂樹之秋香普故

宮之青鎖推墮人間無不可頑碧凝蒼肩神垂瑋留  
賓筵而盡餘歡每蹲蹲而舞我也

殷乳銘并序

韓生弘以瓦鼎示予制極古而可愛余曰此後何而  
得曰得之於帝辛之故墟然不知其為何制也余曰  
此殷之乳鼎也即為之銘曰

惟殷墟廢已久代所屈止野叟歿而葬此何有其為  
物故商埴千年後見白日乳至四宜蟄蟄萬有生皆  
此出取為形穀塚壁媿龍觶飲而食秋澗銘渾沌鑿  
韓生藏深夜窸後未者見必作

贊

老人星贊

月被雲衣金支翠旂御星駢而凌沆瀣騰洲耀而表  
明時爛祥光於萬文湛南海之清輝我見我出為瑞  
為禧歷朱方而朝北極祝皇壽之無期何南山之鞏  
固等旻天而峻齊然後廓壽域兮無際挈斯民而溥  
躋倚蓋霏霏蒼苔曷端貝闕珠宮群仙與嬉歌東皇  
而遠引隨升降而入氣機但天容海色渺不可以涯  
埃兮眩朝日之重暉

先君思淵子畫像贊

德之厚其所受也全學之博其所守也專材刃恢恢  
利罔物先占氣斗間世之龍泉卒之臨大事以益辨  
曾何以惠文而為賢望之儼然即之溫然治之隆污  
持衡以權一言吏師世有可痊孰謂神而化之之妙

托丹青而可傳耶

王內翰寫真贊

總管蕭君祐承旨內翰寫真木庵師題贊其上似有  
所未盡者因為之贊云

充氣之粹兮與材無忤靈襟之廓兮以道為腴  
運譽在龍門之上視草冠玉堂之廬及其物則見百里之  
寄其托輔則可六尺之孤天步改玉娑娑兩都悵  
蒼蒼之秋色鬱喬松而未枯尚能賓扶桑之出日振  
人文於燼餘見之丹青清風穆如人徒知百年之遺  
去我以謂中朝之鉅儒彼粹然而容盎然而春見於  
眉睫之間者固非山澤之臞也耶

鮮于純叔寫真贊

卷之六  
十四  
遙遙華胄在靈令聞况水之集其源瀚淪左成雖遠  
而典刑今見于斯髯踈而秀心吉而仁藤白而冠紗  
烏其中豈見夫身外之身予但知仁者之必壽其風  
姿落落百歲猶畫中之真也

麟廼贊

嗚呼羸廼脹豕腹背負殿角挺竒骨列太階職盟滌今  
歸于我研與匹薊門市南冬日得蒼溟之波浩無極  
挹彼注茲泚我筆姦析誅絕旌直德子孫寶傳金玉  
式

乘泉左人畫像贊

德與學專行為在傳是之謂有年隻瞳炯然蒼髯戟  
然人目曰山澤之仙庸鉅知抱長孺之直甘翫辭於

門邊者耶

范文公畫像贊

堂堂范公三代之佐致君澤民盡夫在我曰義與仁  
經綸之具篤信力行曾不易慮受知裕陵千載一遇  
其施幾何貞我百度信信羣言激公而去天下之事  
匪材莫為遭時富材中靳固之治止斯耶由數竒耶  
再拜公像涕洟咨嗟

乖崖公真贊

堂堂益州元精之傑用智馭權以氣達節在德克剛  
得吏之訣其林時也若乖崖而極經綸其擿奸也不  
鈞鉅而洞窟穴噫太華之雲清淮之月豈無閑心大  
厦火蕪較以出處此兼善而彼獨索宜公平生日新

事業皂裘褐衣有將之威我拜公像清風凜而悠悠  
九原愛莫起之

呂仙翁真贊合道陵秘府物今為委禽省家藏

元精貫中左不息先生煉形與之一氣機出入我所  
乘世間甲子管不得有時變現稱劍客三江五湖風  
袖碧江雲紅爛岳陽樓醉飛星馭鞭金蚪騎驢欲上  
長安道來看西風渭水秋古人事業垂不朽八表神  
游欲誰友乾坤况復一洪爐萬古消沉竟何有先生遺  
照滿人間已是真筌不死傳只須袖裏青蛇氣夜夜  
人驚在斗邊

駁華駟圖贊并序

馬之有駁猶人表之異常也昔骨利幹貢馬百匹中

有駁者太宗愛之親為製名曰決波駒又秦胡公有  
乘馬號忽雷駁此馬毛質時異豈骨利之遺種歟故  
供奉官圖形以獻見方物一皆之盛云

吁神駒骨相殊振蒼雲散華軀供帝閑馭虬鬚厯八  
極塊清都非所覲三品芻有物制噤不舒絡青綵伍  
髯奴終奮躡躍天衢君無瘳茲畫圖

填星神像贊

坤元之精積而上曜厚載之德至靜而妙爛然黃明  
有歲之兆僧繇像之其神杳杳冠著牛首類其順也  
手縮方缺取乎填也非夫知鬼神之情狀者何以則  
其奧隱也

二十四大儒贊并序

堯舜之道得孔子而後明六經之旨俟諸子而後發  
逮秦火燔蕩先王之迹一向熄滅而天理之在人心  
者何嘗有一息之間斷哉漢興諸儒挺出如董生劉  
向孔安國毛萇楊雄號稱鴻碩斯皆摘奎之光發輝  
孔壁探聖之幾取訂口傳致興學立官文風彬彬可  
謂盛矣然六經之旨有師授而無傳著東漢已未師說  
並行馬鄭賈何服虔王肅之流罔羅衆說正誤刊繁  
流藻箋註復使聖道粲然如大明當空蔑不取昭以之  
斷國論建民極有不可斯湏離者至唐踵七代之衰  
理弛文弊道統益微及韓愈氏出以道濟自任隄障  
末流廓清義路蓋皇皇如也故人儒位置終之以昌  
黎伯者良以此歟若夫

三才彌綸元化前世紀

圖像列配神庭 為不刊之

至元癸未冬十月齊府廟宮兩廡繪事告成  
明靈儼然如在爰作贊文昭揭於上庶幾軋端坤  
軒謠呈露待齊人之敬為邦家之光也

左丘明

麟經垂憲百王是懋素臣筆傳日星益明文開史統  
世咀華英儷景同翻未播休声

穀梁赤封曠

聖道群用見有深淺赤也明經辟清義婉漢儒推轂  
大開學館繼我國政論益光顯

公羊高封伯

麟出魯郊筆終史削公一再傳若聆徇鐸宜其資深

裁辯辭諤折衷群疑匪斯孰托

荀卿封蘭陵伯

金聲絕響詭辯縱橫蘭陵著書吐辭為經憤彼譎變  
欺世迷民性惡之說有激而云

伏勝封乘氏伯

秦火驅坑儒厄斯極天不沒公俾副孔壁渾灝之義  
垂範後王賴公口授帝道復光照耀齊國文奎煌煌

毛萇封樂壽伯

風雅三百一歸無邪絃歌音眇孰為傳耶温温樂壽  
漢初名家訓傳首出遂正而葩敦厚之風永煽幽遐

高堂生漢博士封萊蕪伯

秦尚法制禮喪無幾誰誰堂生當火之始  
官儀

國容有願會弁澤宮赤舄几几

孔安國封曲阜伯

書出漢物壁傳口授古隸未今詎免訛漏天開聖孫  
以傳以定帝制復明翼我國政

戴勝封楚丘伯

曲臺傳經有千其儀戴君發揮其詳可知履之則矣  
倬焉來遠煌煌天序相我民彞

劉向封壘城伯

彬彬中壘帝胄惟英授經草諫力扶漢傾已志伊鬱  
聖學崇明驚冕玄端山立神庭

揚雄封成都伯

有漢鴻儒述作之賢体易之妙衍夫太玄扶聖之心

繼成法言大醇小疵其然豈然惟寂惟寞天祿之閣  
出處兩間其何以忤

何休封任城伯

高也傳經心深而文秦漢而下莫闕其門任城解詁  
堅守如墨開戶免脫破碎陳敵駭我漢事會歸其極

鄭衆封中牟伯

喧啾梁門師也威鳳志棲阿閣學明三統皇皇使率  
漢鼎取重諒夫通材中藏大用

馬融封扶風伯

扶風氣豪博精群集賢如鄭賈執經在席暢我休風  
彬彬文質尚想絃歌漢南之國

盧植封良鄉伯

海山沉雄精貫斗極篤生大儒文武之特以道事君  
以經翼國劔佩赫然氣掩群慝

鄭玄封高密伯

秦燔六經天理曾熄漢興諸儒臆說雜出司均網羅  
刊繁正誤箋注皇皇流藻終古

服虔封滎陽伯

卓越九江清介不羣雅材文論為世所珍任城巨敵  
左氏忠臣光造漢考蔚乎其聞

賈逵封汝陽伯

偉哉侍中好問而博通明四經大肆取作網維國論  
張皇帝學東觀石渠光寵於爍

杜子春封緱氏伯

周官大典興王之迹制古辭約我解我釋入海穿深  
薄霄透碧品物詳明千載是式

范甯封新野伯

藻發儒林學淹墳籍嫉世浮虛著論詣實盤盤學臺  
膠庠大開至今豫章有來群村

杜預晉大將軍開府儀同三司當陽侯贈司徒

堂堂征南經制晉室衽席金革研精麟筆學方武庫  
在甞經癖有開後來理順冰釋繫公存歿懍恍靈氣  
我曰猶龍焉取虺異

王肅魏衛大將軍太常蘭陵侯贈司空

猗歟子雍英發妙年書易陽秋傳列學官制刊朝典  
秩煥郊壇汪汪東海載觀其瀾

王弼字輔嗣魏尚書郎封偃師伯

龍出河圖經成三聖輔嗣窮幽乾旋坤靜漢說多門  
唯公取正伊洛淵源流光與盛

韓愈字退之唐吏部侍郎封昌黎伯

維天有文公材命世殲義滂仁黜邪魃異世溺方深  
力以道濟百折彌堅死而後已倒影滅沒貌不可企

文中子

顯允文中希聖之徒闡教河汾宛然泗洙斤斤隋文  
不足與事挾策歸來心醉經史曰魏曰房曰杜曰李  
學傳聖心有樂有禮貞觀至治有三代風論夫源委  
先生之功千古而下與唐比隆

鍾氏先世畫像贊為鄉人大明作

顯允鍾公肇跡自秦金季家衛以財發身闡樓卉圃  
照映河濱優游卒歲壽開八旬維嗣強矯結髮從軍  
奮提干將屢收戰勲釣臺雪漬死節酬恩伊恕之父  
地化其文憤志讀書行比鄉鄰陳力漕府克公克勤  
是知善繼述者豈無其因不過積德與崇仁故培之  
厚者其發茂浚之深者其流湍嗚呼鍾氏之子孫能  
不封植其本根也

趙曹州昼像贊

宓子宰單鳴琴在堂琅琅玉音齊魯之鄉流清芬於  
異代得趙公之循良義冠惠文貯書撐腸不竊榮而易  
素守曾格物而恃已長貳政兩州治績章章字民折  
獄仁恕內將體春陽而休煥孰知秋荼之繁昌觀兩

漢之卿相自卒史而翱翔以材以術公其可方固沉  
底於下位浩淵流芳未央維嗣善繼棄驄奮驥慶之  
所鍾于焉厚償匪槐棘而就列將禮文之有光又何  
啻簪白筆而飛簡華之霜也

九公子畫像贊

史開府子名樟喜莊列學屢為萬夫長有時

麻衣草履以散仙自號

欽日豐順氣額魁竒被福懷寶有儼其儀出紈綺之  
間無豪貴之習抱夷惠之志蔚能豹之姿齊物我於  
一致感盛衰之無時其或戴遠游之冠甘元氣之委  
騎將軍之馬掃干將之霓歛生阜比玄談四馳提筆  
揮洒以傲以嬉歛凌雲之劍氣等尺鷃而蓬飛恥以

卷六十一  
十一  
禁進與時推移希達人之大觀每先事於幾微與其  
身之外樂何若心之內怡是則散之為僂見於丹青  
者如是又何計騰寫說而橫氣機也試將頌而為問  
恐吾言之庶幾

漢諫議大夫王章傳士朱雲贊并序

孝成之朝劔履間健者猶百位然挺身為國直言忠  
諫者誰歟蓋當時軋綱紐施威福柄移赤伏陰疑堅  
冰日至獨能痛國統之將微憤中外之單弱毅然與  
天子合謀屬具臣矯朝曲以社稷大計為言殺身  
犯顏以成其仁者在漢二百餘載之間唯仲卿與朱  
游二人而已何忠直剛果之氣寥寥如是哉論者乃  
以下量輕重陷於刑戮為譏吾恐為人臣者不以容

身保祿是耻將何以為訓作諫議大夫王章博士朱雲贊其辭曰

天厚之剛百折不撓履霜而冰辨之當早漢至元成國統中熄陰晦陽精九廟不食劍履群卿孰非遠識坐眊淪胥權歸外戚厄會中來詎容人力公豈不知言出禍入殺身成仁臣子之職彼牛衣言固非所恤諤諤南昌感公奮激抗書申明路開忠直三復斯言寫我心感

博士朱雲

維皇有師禮自天秩動靜安危以物以則矧惟中材性可善惡俟我儀刑狂聖迺作安昌師漢腹心之疾竊我崇高容奸隱慝社稷大計莫此為亟雲位下僚

自任稷契犯顏嬰鱗為漢藥石諫蚩弗行彼氣則折  
欄檻嶙峋我舌不結少師劇軀龍逢挺節以分以職  
於死為說並游無慙終古有烈

嚴子陵贊

漢有天下本以霸氣只陵遲世季其弊莫勝光禹阿諛  
雄歌狂鄙元成以來泛風而靡維炎中熾故人作帝  
先生慨傷為漢砥礪索我一已訓彼四方願惟可加  
萬世之光幽幽富春渺渺桐江釣絲裘褐終焉徜徉  
是則柔理之道先生助治者其維皇哉噫

漢議郎田疇贊

炎漢淪精群雄叢起士昧所擇依強而已附衮臣曹  
風從雲委倖而有成終焉自免堂堂幽州志在安劉

信我大義掃清國仇先生委質名正言順報以國使  
力扶襄運間關歸來大事已去君讎未復吾將孰與  
躬耕故山有死無貳白狼之役諒非本志是懲是膺  
權以齊事何以明公龍盧之封繫以千駟祿之萬鍾  
贈不保少賁脚終縶其胡而呼死如英威識似田豐明不

牴跪焚并序

郡譙門兩楹下有石獸左曰牴右曰跪為狀特異隱  
其齒而吻張崩其角而顛兀頂髮雲委垂卷兩膊世  
傳殺宮中故物自衛縣移置於此攷之集韻云秉心  
甚靈蓋忠直獸也彼物爾得氣之偏者也何以識其  
性之云然以屈軼拍倭神羊觸邪麟趾厚而不踐虎  
螭仁而有威是以忠與直可得而推也其所以表之

以為亡儀者古人制物有所取而垂戒焉蓋忠者衛  
上之謂直者不融之稱此則臣子之所固有而所當  
為者物能如是可以人而不加獸之云乎作牴捩贊  
贊曰

吁奇厖三代制賢其德與獸異體具存神則逝逐比  
干而下遊悲獨夫之狂制牴兮捩方無效麟之出非  
時兮使吾拭面而反袂

西溪真贊

秩秩其德擘擘其美天稟之厚固非學之所能用晦  
而明與時偕行愚常與公從事雅量有餘曾不知趙  
張之蠹閔豈鷹隼迅擊終不若鶩鳳之和鳴也我贊  
公像庶幾典刑道義視文章為重雲壺同富貴而輕

至干生也順事沒而吾寧疇為丹青可得而名也邪

雪堂普仁真贊

柳州序浩初讀書樂山水有文章父子咸為其道泊  
焉而無求賢於惟印組為務以相軋者遠矣

道行貞純初不絕俗機鋒洒落即之可親苦空任綬  
膝之雪處心探濟物之仁草坐容身雨花繽紛雷音  
淵默獸伏鳥馴咄此圓神澹如凝雲耿金粟之孤影  
笑人間之幾塵愛而贊之蓋浩初一流人也

中書左丞許公真贊

古人以道濟為任者時雖見於行藏心不間于微著  
於皇先生道深絜矩以希聖為心律已為度上明  
君道之方下易薄夫之慮危言立朝聞者悚懼公于

斯時屹傾波之砥柱非天下至誠其孰能與瞻拜公  
像魁然真輔奉璋峩峨其儼而裕至於体用一源先  
後有叙試以中元之治較之見論思與機務念公平  
生其丹青可得而喻也耶

醫學教授趙公仲康真贊

洹水流潤太行唯峩篤生異人司時之瘥顯允趙公  
被服委蛇道高而施博脉明而智多世以醫名者衆  
如公之醫中而不頗護養氣元玉池生波攻以峻劑  
我禁我呵鬱焉有斡之以戈俟其半衰濟之以和開  
壽域者五十年良声番番其所以得于公者如是彼  
之贊歌知陽報之有在福子孫而為那也

王子明傳贊

古人稱殺身易成事難雖然事有大小公私之間如  
不有已私專以公心除天下之害此其成尤為難能  
而可重唐代宗以萬乘之權群公卿之謀至取一家  
奴宛轉畏懦不敢明言竟以盜婦之而觀著之節可  
謂壯矣

手植夏禹像贊并序

衡岳有怪栢一株世傳夏禹手植長沙温將軍得斯  
木一枝堅勁蕊芬愛仰不已以為神明之物也刻帝  
像以奉之亦阻歷舜九疑叫雲蒼梧之義也求潤色  
於余秋澗王憚拜首稽首而為之贊曰

亶穆神禹玄功格天見之羹墻况手植之所刊帶不  
下而道存体雖微而儼然所謂斂之管窺浩浩淵淵

嗚呼三代吾不得而見之得視斯像固足以揭吾之  
度是將同啓石而不朽耶抑以與九疇而共傳也

田仲德先生登贊

言論固樞機之先作行在士大夫為重卓越田公二  
者錯綜氣無虛談才見實用翔游侯伯之間擬擴香  
林之供幅巾橫策掉首吟諷予聞鄒蒙之辯說有以  
卜先生之定動於戲文獻不足以柯為棟載瞻遺像  
安得不有人物眇然之痛

栢溪主人張仲和真贊

堅以持其心直以養其浩用是二者以全純孝得其  
時而濟斯媿安其貧而取近效其樂也融融為行也  
慥慥氣溫而和兒儼以肖豈惟壽考兮康寧永以為

鄉黨後來之教

趙瓠瓜寫真贊

丹頰秀眉踈髯方頤目朗炯欲曙之星氣吐若垂天之蜺畧施為而見底蘊據懷卷而藏器機曩也為平津之上客今而乃瓜田之布衣注酒滿瓠溉此鳴夷醯雞笑雍天之舞醉袖拂西山之低越想聶孺尚肯效夏畦之病為浮雲富貴軒冕塗泥况尺鷃享鍾鼓之樂游談到六印之累卧元龍之樓下覺許汜未全痴也

耄杖圖贊

先生姓馬氏名天昭字雲翰汾州介休人自号師易老人丁丑歲壽八十有一

德維懿其存則不謂之命氣維克其定也能勝乎天  
故衝風之火易熄溉旱之禾有年而况有道君子者  
焉矯矯先生匪曲而全靜以仁樂健為德先應儻無  
夢絕韋有編通而得夷惠之介默而契消長之權向  
軒冕之可累豈山林而後賢氣精而鶴壽松貞而歲  
堅故得甲子幾七七之數軋陽符九九之玄道與貌  
粹峙而停淵儼乎若介山之鬱茂濬兮如素汾之淪  
連方吾道之如線賴此老之東迤豈造物者畀西河  
南陽之壽固將為斯文無窮之傳也耶

趙徵士畫贊

君名鉉字仲器多巧思精藝術今年六十有一自號鈍軒逸皓所謂隱居求志

行義達道者也祖賢字景道家大與之  
穴窳里金建春離宮在焉常有詩題學  
舍壁間云折脚鐺中烹白薺打頭屋底  
看青山道陵春水過見之為賞識左右  
以公卿名對召見殊加優禮仲器公之  
曾孫也

蒼髯于思雙瞳炯然勁逸鬱幽燕之氣端倪噴太易  
之玄挫止其銳鈍而名軒曾於物而不滯浩曾中之  
一天是謂建春徵士之後其青山秀句猶隱見於眉  
睫之間也

故金榮陽令傳輔之畫像贊

其父霖明昌刑期進士行部臨潢沒於

王事

玉潔含光蘭幽藹芳孰為氣機貞溫而良我嘗陪公  
杖屨徜徉冲善為植德之本揮遜厚周身之防見  
之丹青衣冠堂堂維玉田之傳琪家文物尚髣髴明  
昌之煌煌若子若孫既衍慶以襲吉又將見再世而昌  
也耶

韓御史畫像贊

晦其明而於物也周以旋介而通其於事也曲以全  
神湛秋水顏如渥丹藹藹蔚和愉之氣怡怡為孝友之  
賢施之有政其達固然同我冠于豸府愛諤節之孤  
騫听可見而者如是其不可企而得者殆丹青之默

然而淵也

渡水十六羅漢贊為聖安容老賦

誰吮澹墨作佛事願頴含光開太始稽首尊者十六  
相金沙灘頭渡洲水魚鼈異獸同一家背負鱗浮供  
役使碧蓮泛灑百花小兩脚何曾踏泥滓法身化現  
炯孤月海風吹墮千江裏補陀巖竇室香濃滄浪石  
上觀生死白毫光蒲海西岸航此洪濤悲一世玉溪  
去子出示余意匠經營親說似禪機已落慘淡中我  
今試下第二義九年面壁度鼈象一日西歸携隻履  
菩提樹下喜相逢拍板高歌聊尔耳

香水琴贊并序

南海石隱禪師合沉檀二木為琴絲而撫之其音克

諧有不讓於槁梧者段生得之以珍異丐余文以贊之其辭曰

繫琴之胎以桐為材製自虞氏其來遐哉斲以香木南海之僧絲而理之有嶧陽之清物逐所好歸之伯寧脫燎爐之鞣液拉玉雷而為朋藹然雜芬菲之韻琅然從韶濩之聲嗚呼琴乎學者寡而其將孰聽倘鍾期之與遇又何啻一再行也

劉巨川簽事真贊

事機之琴非才則務弛天質之美逢時則道行於維劉卿志氣鏗閎臺閣肇建鸚書應徵豈惟夜書快吏見稱及佐府幕游刃發矧人奉承而不暇我持難而肆能致駕五馬心奚以榮律身束吏明倫恤刑陟而

提憲風動百城，褰帷聳具瞻之美。控拳無虛搏之名，抵  
凡或迅盤根，莫就天或假年。蔚為名鄉，宜大用而乃  
靳殆。收功於嗣，與卓彼二子力振家聲。影纓若綬，荷  
天衢。亭將見一日千里，騁駿足而躡雲鵬也。

黃洛左人畫像贊

猗歟趙公，以古為徒。燕居磐石，定力有餘。萬仞前陳，  
付之一壺。身心脩然，浮雲太虛。自號曰黃落散人，世  
指為山澤之臞。見於序文者，如是吾說。誠嘉遜之自  
如，不居山林。匪樵匪漁，安我素分。而與道俱醉，以酒  
而適意。晦其明而內娛，壽幾九齡。健不杖扶，有子有  
孫。簪纓仕途，天之報施善人也。合若契符，甚矣吾表  
愛公。起予拊卷，慨嘆遂欵衽而時書。

軟背椅贊并序

昔李山人詔隱衡岳得虬松一枝即形作椅名之曰  
隱和終莫能曉其何義故左丞史公之子假予是具  
其安四體養老妙意有不可勝言者繩而網之以軟  
其背把而執之以駕其肘至包承臀臂曲盡其宜甚  
矣工者得老者安之少者懷之之遺意歟名之曰軟  
背且贊之曰  
咄此為具其製非一坐促背峻侶恭而躋傍無兩把  
予肘安適而最苦者磨隱偃脊未若此君溫柔箝箠  
譬彼妯娌擁抱而息不高不亢老者所仰爰從何來  
藍輿之狀

管幼安濯足圖贊

天下有二道出與處而已然審時處已有未易言者  
先生遭三國雲擾蹈海而東高尚其事如度之致禮  
以加敬丕之遠聘以拜官皆恬然若無所聞所謂隱  
居求志行義達道者也至於嘯傲物表澡洒溪流特  
一時閑適若歆輩俾進履拱杖猶恐自污抗疏代位  
此何理哉自惟老繆待罪翰林赤日長驅會集寓館背  
汗浹流暍而欲踣歛挹清風豈勝愧仰乃再拜稽首  
而為之贊曰

吁先生古逸民素所友夷惠倫傲狐瞞東海賓著皂  
帽蹋碧鄰尚恐染三臺塵若歆輩進履徒破壁手乃  
敢污抗疏請代三孤昧平生何足誅百世下孰知已  
脩然心見終始大起予有蘇子

古燕印贊并引

參政何公世家易州常於燕丹廢城中耕得圖書小  
印虽百枚制皆殊一曰以所得者贈予形如方斗其  
文曰韋宙宙唐昭宗時宰相豈古今人姓名有偶相  
同者耶入 手摩挲甚可惜也作斯贊以答雅厚其  
辭曰

燕有國八百餘維易容奭故都按壁壘見雄圖萬組  
印雜簪裾人與骨朽已無耕寵間獨得渠一粒小丹  
砂如其文宙亦盛夫紐岑樓或龜趺纍纍多一皆  
殊彼斗大黃金塗懸肘後擊賊奴氣虽豪空淪胥三  
摩挲重嗟吁猗象相好古徒知澹癖為贈予何所誌  
遺惠書

四子問孝圖贊

天地之經其維曰孝魯人所瞻巨室是效四子致問  
庶幾要道因材為篤聖答各異發藥其偏從容和氣  
思煽皇風永錫厥類怡聲粹色玉佩華裾表之丹青  
清風穆如嗚呼安得一天下之慮宛同是圖

梁太師王彥章畫像贊

堂堂太師勇冠萬夫曾精甲之幾何破南城於一呼  
三日奏捷素果不逾大厦將仆一木可扶衆且願望  
我擔捐軀蒼髯模糊目光炬如戰酣歸來氣鬱犀渠  
惟孝與忠同歸異途緊錦囊之三矢與長矛而不殊  
宜乎文忠之筆大書特書不一書而已也吁

劉珍母王氏真贊

嗟嗟母氏思斯勤斯自期寸草庶吞春熙况復身後  
有養何施履霜濡露感懷歲時嗟嗟母氏健幹而慈  
奉已以約保家之肥致家之完乃有今日我食我衣  
皆母之力暖曖停雲泉水湯湯我思母氏何日而忘

重華鼓琴圖贊

幽幽深山玄德聞兮二女釐降瀉水春兮軋健坤順  
其道恒且久兮袵夜鼓琴固若我所有兮手揮五弦  
正始此其時兮琅然玉音一氣為之熙兮鏘然和鳴  
鸞鳳以之儀兮衣垂手拱其道本於斯兮升道蒼梧  
惋莫從兮淚浥湘筠思何窮兮噫

故處士牛了齋真贊

眼高一世舌本懸泉噴噴珠璣孰為後先樂育自好

以全性天生也順受沒吾寧焉彼顏渥而顴野服脩  
然尚知為鴈門儒將之裔庶幾青山白雲之仙也

故翰林應奉陶珉溪真贊

貌古而氣清言訥而行純此見於外者皆曰儒學醇  
若夫該貫經史筆幹千鈞玉佩瓊琚大玩斯文足以  
泛珉溪之雪浪追顯軒之絕塵然綸恩甫沾而不祿  
壽靳固於七旬天之報施果何有於善人哉并朱衣  
正笏垂紳雖未及直玉堂之署尚知為元貞辭翰之目  
也

房星贊

粉色黯淡雙絲浮絳冠箕如柱劒緜陽環夜半海氣  
湧火輪欲上鞭金虬赤冕躍入玄關幽殆侶戰勝塞

雲堯千金漢將非吾儔中令化筆通神謀冷風拂巫

寒颼颼 大德四年臘八日作

房四星為明堂布政之宮亦四輔也下一星  
上將次次將次次相上即上相所以理陰陽  
正教化南二星君位北二星夫人位又為四  
表中間黃道之所後為天衢又為天關南關  
曰陽環其南曰太陽北關曰陰環其北曰太  
陰亦曰天廐亦曰天馬主車駕南星曰左驂  
次左服次右驂又主開闔畜藏之所也

松化石贊燕城趙孝清家藏

伊石與松秉彛堅潤雯華根節鱗皴挺勁儼髯童之  
淵潛蛻康溪之深濬伊良震之文感化而為他山之

璉達霧巖之玄豹隱錦編而如杖水木清華坤靈藉  
重氣變無方靜含妙用物貴異稱金鏗玉振習焉不  
封於秦今也罔言於晉但摩挲而三嘆非張華而孰  
綜然室無滯而不富况殊方之奇貢嚮爲山人隱和  
之具今作仇池怪石之供一線爐熏霽若雲霧栩栩  
蝶去夢繞神清之洞


蛻齋劉先生直贊先生諱思齊燕人

猗歟蛻齋蛻肆螭蟻擴充家傳資深善誘愛波瀾之  
老成死黼黻之絺繡曾管窺於一編竟韞匱而莫售  
我瞻遺像氣豐而部一官廣文祿才升斗挈簞瓢兮  
屢空曾臧否之何有嗟共盡而奚言豈獨哀於吾友

蛻齋初與胡國瑞同年登第中統初爲中書省掾

後辭歸為章德路學士官卒

秋澗先生大全文集卷第六十六



秋澗先生大全文集卷第六十七

翰林遺藁

增謚睿宗仁聖景襄皇帝玉冊文

臣再拜稽首言伏以

至德難名於穆乾坤之大孝思罔極有嚴

祖考之稱稽遺美而載揚廼守文之先務弘宣

令問茂對

耿光伏惟

睿宗景襄皇帝秀拔神支淵潛龍德

英武內根於仁孝

溫文外表乎謙恭

先事而謀

臨機善斷當軍國

撫監之際赫風雲

無伐之功川蜀

威加宋人爲之褫氣釣臺

戰捷金源遂不能兵

闢土宇而靖中邦翊火圖而隆寶運策勲天府歸美

皇靈方

請命於上蒼思保安於宗社祥開

後聖光啓皇元致今日之隆平蓋

孫謀之燕翼惟天縱其

睿智故

澤流於子孫爰伸凝慕之誠虔舉增

徽之典詢諸輿議允協至公謹遣某官某奉玉冊玉

寶加上

尊謚曰  
仁聖景襄皇帝廟號睿宗適守  
先猷仰

聖靈之如在式垂  
歆鑒降福祉以無疆

追謚

先太子冊文

皇帝若曰於戲故

皇太子某天姿玉裕茂德淵冲

朕紹纂丕圖仰遵

太祖聖武皇帝遺訓以爾世嫡元孫譽望攸屬爰從  
燕邸正位春宮愈貴能謙居貞益慎及夫聽政揆叙  
有方至於睦親昆仲無間尊師問道日御經筵視膳  
候安時詢內豎佐予柔理惠彼小民方念神器匪輕  
投艱有託豈期

前星揜耀未隔幽明日居月諸懷思曷已比者大臣  
敷奏宜易名奉祀光宗彝典今遣某官持冊賜爾謚  
曰

明孝太子永昭遺懿式慰  
朕懷尚冀明靈歆承寵渥

皇太后玉冊文

維至元三十一年歲次甲午五月朔某日嗣皇帝臣

御謹稽首再拜言合萬國者莫隆於孝治揚懿德者必著其徽稱洪惟我幼冲人嗣無彊大歷服率先風化無尚於斯恭惟

太母聖善懿恭睿識遠慮力行善事陰賜及民隆孝敬於

先朝軫憂勤於內助宮壺仰其規範宗族化其肅雍誕眇躬而底于有成翊燕謀而俾登大寶

深恩至德蕩焉難名匪極鴻一作推尊曷伸至願載惟

昭考已升祔於宗祧言念

宸闈宜大崇其典禮庶幾均報仰答

恩慈今遣某官謹奉玉冊寶上

尊號曰

皇太后伏惟

皇太后殿下端處福宮誕膺顯冊儀

母儀於四海德配坤元期

聖壽於萬年祥開神策永資

慈訓保我子孫臣誠歡誠抃稽首拜謹言

改元詔

朕祗適

先猷嗣承丕構訪予落止在夙夜以靡非遑求言孝  
思閱歲時而憎愴惟春秋之謹始實古今之成規適  
屆履端聿新紀號可改至元三十二年爲元貞元年  
咨爾有衆體予至懷

手詔侍郎楊大淵

省表具之朕恪守王封遽膺推戴即位之始不遑康  
寧惟爾速戍邊陲久服戎政身外心內來陳賀章宜  
加寵答之辭以勵忠貞之節故茲詔示想宜知悉

詔罷東平路管民總管兼行軍萬戶嚴忠  
濟

爾父承

國家興運左右將士同心戮力封植東平

允為名藩我

祖宗嘉爾父之功乃建為侯自爾嗣位又二十年  
朕初即政命復襲爵往即乃封敬之慎之其脩德砥  
行自立名節勉圖後效無忝先猷十七日戊寅巳刻  
上臨軒親諭諸路總尹遂以前東平總管嚴忠濟弟  
忠範為東平總管仍戒之曰兄弟天倫事至於此

朕甚憫焉今予命爾王茲東土非以訟受之也彼所責匪輕敬哉今而後苟不克荷非若汝兄幸而免也

授賀某宣諭大理國制

幼懷竒節筮仕昌時及知遇於先朝遂撫綏于大理揚威絕域昔收定遠之功服事彤庭屢抗伏波之請宜旌前効俾煥綸章汝其宣暢皇猷洋溢方外爰體綏懷之意以安遐邇之情轉為招徠式副所托

宣諭大理及合刺章俾還本土手詔

嘉汝等遠自雲南導從選鋒轉戰千里直波鄂渚以達於此勤已至矣今若俾爾各還本土以遂厥性優賜各有差

姜真人手詔

神以知來智亦藏往言念長江之邁未嘗一日而忘  
遐想仙標載勤駟傳雍容大厦論用復於細擅寂寞  
嚴高雲暫辭於故隱春寒遣書指不多及

追封皇國舅按赤那演濟寧王謚忠武制  
制曰疏息異姓無踰王爵之崇追冊元勳况在世姻  
之懿典禮所逮存亡靡殊故皇國舅按赤那演天挺  
英姿志宣忠力當

祖宗造基之始為股肱佐命之臣衍慶軒星儷輝  
宸極惟勛闕之茂著冠戚里以獨高朕紹述丕圖眷  
懷世德宜錫大邦之號仍襲壹惠之文可進封濟寧  
王謚曰忠武於戲議協明廷庸布

卷二十七  
五  
絲綸之命澤流後裔永昭泉壤之先尚想英靈歆此  
寵渥

皇舅濟寧王妃制

制曰爵以德崇既建真王之號婦因夫貴俾隆藩國  
之儀眷我外家德昭

祖母誕彌

聖后作配

先皇豈惟內助之多光溢徽音之媿是宜管形擘燁  
象服委蛇顧子冲人獲紹前烈禮崇報本心焉敢忘  
可追封濟寧王妃與對邦休服茲寵數重衍姻親之  
懿永膺伉儷之榮泉壤雖幽歆承罔昧

贈謚故光祿大夫左丞相都元帥阿木制

制曰功德兼隆其所及者既遠存亡靡間故為報也  
必豐廼眷元勳豈同常品故光祿大夫中書左丞相  
都元帥阿木提英將種作世虎臣爪牙兼信布之材  
韜畧合孫吳之法惟重厚克膺其委寄故謙恭不有  
其智能當

世祖之恢圖自元戎而宣力莫我南服隱若長城秉  
持旄鉞者三十餘年出入行陳者百五十戰奮身不  
顧忠如皎日之明愾敵無前勢若迅雷之擊載揚我  
武飛渡長江佐牧一統之功名出諸將之右繼將明  
命遠震邊庭威方暢於

皇靈訃遽聞於瀚海朕奉

先猷而祇懼念王業之艱難鬱爾風雲追惟往昔優

加卹典開勸後人官資超極品之榮封爵建大國之  
號於戲麟臺畫像豈惟宛轉於丹青甲第賜書庸示  
昭光於窀穸可特贈開府儀同三司太尉并國公謚  
曰武宣精爽如在不昧欽承

太尉并國公夫人某氏制

平章政事卜鄰吉帶母別速真氏父爲於運宗臣嘗  
有功于社稷夫亦折衝名將屢宣力於封疆位陟中  
台慶鍾賢嗣惟是數者萃於一身其存歿則俱榮蓋  
始終之鮮儼况內德壺儀之著而婦規母訓之崇錫  
之以翟芻之章賁之以銀黃之飾沛殊恩於既往示  
深勸於將來在邦彛皆所當然於世教其或有補於  
戲脂田肇啓獨垂範於兩宗頌饋相承尚流芳於百

祀可贈并國太夫人

追謚司徒鞏公制

制曰節惠易名恩禮備飾終之典依光毓德風雲非  
一日之期故具官某稟性淑均處心貞亮眷  
昭考當歧嶷之際侍內庭多傳翼之功奉事  
兩宮勤勞有日爰念邱潛之宿望特班邦教之殊階  
謀參密近而屢効忠誠位極崇高而愈形謙謹朕方  
外于大寶將圖任于舊人已聞歌露之悲可後蓋棺  
之議鼎湖未遠想陪  
仙馭之游泉壤生光洞賁綸章之寵可贈金紫光祿  
大夫謚曰忠懿有來精爽不昧歆承

追謚賽平章制

制曰人臣整奉上之忠恩卹奚分於今昔國家有飾  
終之典光揚亦賴於子孫於惟闕闕之家况復風雲  
之契某官某儀刑西域柱石中朝以文武之長材蘊  
經綸之大業爰從潛卹早識  
英資而又圖回每沃於淵衷度量獨高於天下四川  
分陝

朝廷無西顧之憂六詔行臺郡縣奠南服之理福  
星霖雨動應時祥和氣嘉聲撫綏殊俗念匪躬而盡  
瘁每當饋以興哀朕祗奉

先猷循思遠節位兼將相德全始終况爾孫克光繩  
家訓弼予孝治進貳文昌用推錫類之恩寵以上公  
之號於戲鑄金圖像豈惟專媿於前賢告第頒書尚

莫傳芳於來世可贈某官某謚英爽不昧其克欽承

賽平章國夫人誥

國治固先於家齊古今匪易婦秩諒從於夫貴典禮  
攸宜某官夫人某氏婉自名家嬪我賢輔循法度而  
供壺職以恭儉而相夫勞委佗儼象服之尊恭懿融  
管彤之美以正以順如山如河主饋宜家綿休積慶  
夫延登於鼎胙孫進貳於文昌不以輝稱曷彰內助  
仍易小君之號榮借品極之封於戲德容尚肅於舊  
儀誥鵞有煥脂澤載於故壠世祚彌昌可封某國太  
夫人謚某號主者施行

追謚故都運梁公通憲先生制

制曰望壠思賢臣子無古今之間顯親盡孝國家有

推獎之崇矧茲文憲之傳萬我世臣之舊資德大夫  
中書左丞梁暗都刺故曾祖金中奉大夫司農少卿  
陟早登科第頭歷仕途履正奉公才優國計持難抗  
節身為大閑在先儒耆德之間有泰和能臣之譽經  
綸事往道義日尊流澤遠及於子孫致位有開於卿  
相克宣忠力勵相我家不有卹章曷勸來者可賜謚  
曰通憲先生於戲老成雖遠典刑猶見於國人寵數  
惟新潛德載光於泉壤尚期英爽不昧歆承

太子少傅竇公制

傳經明道既輔立太平之基崇德報功烏可後非常之  
典故桓傳致臨雍之敬而甘盤動憶舊之思古今雖  
殊典秩不異故翰林侍講學士竇默業尊周孔學際

天人詢治體以綱常為言論人臣以功利為末侍謀  
帝幄剴切多文貞之風論相中書慷慨見陽城之烈  
而又三代建國明倫是先惟西池儼簫羽之儀故東  
存擴人文之化風移俗易一變虛文地闢天開載明  
正學迺眷兩朝之耆德寔為

先禰之官師稽考規模憂寐風采是用榮分三事光  
融邦教之階恩貴九泉瀟洒玉堂之契有來精爽服  
我寵靈

夫人賈氏誥辭

天人之際若弗可知禎祥之來各以類應九祖宗父  
母尊榮壽考未有不以善而致者具官某夫人某氏  
婉從清聖嬪我儒宗恭儉以相其夫勤恪以成其子

珩璜中節藻薦多儀清白傳家管彤有煇宜爾從夫  
之貴寵膺華郡之封竊詰副加朕我休命

追謚賈博兒赤制

負罪于時既逢其

明主當饋起嘆有懷於昔賢某官藩邸近臣

中朝著德適際風雲之會素多監掌之功割某調和  
迺其常事威儀進退曲盡恒規允侍

駸庭望高德度方舊人而圖任遽薤露以興哀歲月  
雖深德容如在抱茂陵之弓劍婉孌何窮悵華屋之  
兄逝未昭

勅奠近因廷奏大需

恩章可加贈某官謚曰某嗚呼授寵數以如生幽明

罔間顧諸孫之衍慶福祉方來慰我老成含嘻泉壤

追謚忽林赤制

揚徽內職固有籍於世臣追錫親榮迺式遵於彝典  
其官高閑集慶羨行褪身早以謙恭光昭侍從藝則  
名而威則棣責於已而功於人出入禁闈者幾三十  
年主典玉食者何百餘事忠勤奉上夙宵在公每多燕饗之儀何止割烹之技方

廷章之宣美遽朝露以溘先可贈某官某謚嗚呼祇  
奉仙遊悵同翻於儼景流光泉壤尚垂慶於後人魂  
而有靈歆我寵數

進呈

世祖白手帝實錄表

臣某等言臣聞典謨述堯舜之功合名顯著方策布  
文武之政義問宣昭粵自漢隋及夫唐宋咸有信史  
以貽後來况大業豐功震今耀古惟深喜述首議至  
揚臣等誠惶誠懼頓首頓首洪惟  
世祖皇帝仁孝英明  
睿謀果斷爰從

潛邸有志斯民植根幹而佐理皇綱聘耆德而講明  
治道始平大理再駕長江過化存神有征無戰迨其  
龍飛涿水鼎定上都草創政以惟新擴同仁而一視  
規模宏遠朝野清明內則肇建  
宗祧創設臺省修舉政令登崇俊良外則整治師徒  
申嚴邊將布揚威德柔服蠻羌加以

聖無不通明靡不燭守之以勤儉朴素養之以慈惠  
雍和收攬權綱綜覈名實賞罰公而不濫號令出以  
惟行萬彙連茹群雄入彀削平下土統正中邦慕義  
嚮風聲教奚朔南之暨梯山航海職貢無遐邇之殊  
方且開學校而劭農桑考制度而興禮樂

國號體乾坤之統書畫煥奎壁之文聲所有而醜戰  
功不待計而救民乏聽言擇善明德緩刑歛福錫民  
遇災知懼得洪範惟皇之理過周宣條政之勤以致  
時和歲豐民安吏職蓋

帝德克周于廣運故至公均被以無方可謂文致太  
平武定亂略繼

一祖四宗之志兼三皇五帝之功開天建極者三十

五年立經陳紀者二萬餘事以

謙讓弗違於備紀故纂修未至於成書欽遇

皇帝陛下夤紹詒謀厲精

圖治亟鑒觀於成憲思通駿於

先聲深

詔下臣俾爲實錄宅心

宗祐凝孝義牆開館局而增置官僚

敕群司而大細圖籍編摩既富搜訪加詳採摭於時

政之編參取於起居之注張皇初藁增未見於罕聞

承奉

綸音俾蠲繁而就簡俯彈管見仰體

宸衷盡略虛文一存實事其饗會征伐文物典章繁

焉列三代之英蔚爾開萬世之業與夫才德孝廉之士忠良姦佞之臣版圖生齒之夥繁財賦畜牧之富盛謹依條據粗致無遺今具所修成

世祖聖德神功文武皇帝實錄二百一十卷事自五十四卷

聖訓六卷凡二百七十卷謹繕寫為二百七十秩用黃綾夾復封全隨表上

進

宸衷臣某等忝備台司幸膺盛典顧惟載筆才何有於三長勉進蕪辭慮庶幾於一得冒瀆

聖聰不勝兢惕臣等無任瞻

天望

聖激切屏營之至謹奉表陳

進以

聞臣等誠惶誠懼頓首頓首謹言

元貞元年六月一日開府儀同三司書右丞相監修國史臣等進

聖壽節賀表  
中  
既  
併  
四年丁丑代

伏以

龍德御天協千載休明之運星虹流渚開九秋震夙  
之祥正朔所頒臣民胥慶欽惟

陛下長策遠御叡斷有臨允經制於宏規思光昭於  
先業修振古未修之典集

累朝未集之勲獨運神機載揚我武削平六詔無好  
大喜功之心混一三吳見伐罪弔民之舉治道已隆

於貞觀風聲仍邁於漢家尚深門政之虞屢致近衡  
之問詢謀元老懷保小民體群臣敬其所尊免包徭  
以之固本而又禁酒酤而重民食憫兵餘而肆

赦恩動順輿情咸躋壽域緊爾至元之盛德優於行

葦之深仁屬節屆於誕彌適躬臨於巡省臣某等久

承鈞軸列侍瑤墀一作分司蘭省愧無金鑑之封章

切効露囊之微悃鳳來儀而陪舞聽簫韶九奏之音

虎拜手而揚

休祝

天子萬年之壽

甲午賀正表代中省作

伏以寅宮建斗洪鈞轉一氣之春

漢殿稱觴大禮重三朝之慶衣冠環拱文物昭融惟  
皇帝陛下乾健萃精睿思作聖頓皇綱而開大統備  
百度而冠前王澤既洽於域中威復加於海外  
中天而立躋世於平以富藏民惠免逋懸之賦先春  
肆赦

恩深寬大之書繫至治之惟馨致

上天之伸祐

端臨正旦光動多儀受圖籍而膺貢珍醮臣工而湛  
春酒臣某等率先列辟拜舞揚休政與時新萬有遂  
生成之樂

壽從天恪八秩開億兆之祥

大都城隍廟設醮保佑青詞

伏以天監雖高曾易顯思之命基圖寅紹敢忘奉若  
之誠爰自君臨頗歷年所顧眇躬之上託致至理之  
維艱豈期外侮潛消復荷天休茲不一炎風朔雪大開  
一統金穰王燭屢致豐年而又雲靜祁連春回沙漠  
晝日有平安之報霜風無偃薄之虞匪涼德之能然  
皆

聖靈之所佑迺即青陽之月恭修金錄之科誥演琅  
函真臨玉境導含景蒼精之駕覆垂雲洪蔭之仁鑒  
茲報謝之虔重以保持之福干戈止息永惟四海之  
清邦國榮懷亦尚一人之慶如式

至元三十年崇真宮設醮齋意

大元

皇帝紹隆丕構撫御多方欲期中外之安致有憂勤  
之慮爰資道蔭用介福寧擬於今月初三日就大都  
崇真萬壽宮設金籙醮筵二百四十分位洎日既良  
預期以告

青詞

伏以纂承有在擴

先業以丕隆撫御攸寧皆上天之申佑况年齒之

向邁資福廕以彌深念茲一已之微事有萬幾之

重邊聲雖捷軫慮良多精力自如過勤或倦而又回

氣交更而無不順蓋多生感受而未免乖和敢殫禱

謝之誠普冀

神明之相潛消災滯滋至天休

素履安舒符乾剛而不息皇圖鞏固叢景福以惟新  
無任懇禱之至

祀廟樂章

無射宮之曲 昭成

於赫

皇祖 睿智聰明天扶

一德海毓群生

文經武暢治定功成禋祀無期昭垂頌聲

無射宮之曲 顯寧

天啓

深仁頌世而昌追惟

顯考敢後光揚儀尊謚美禮備音鏘

皇靈鑒止降釐無疆

祝文第一室

於赫

聖武開運立極

啓迪後人奄宅萬域

繼體守文爰及眇質

大位昭升

陰相之力奉薦明禋載祗載式尚祈

顧歆永深

燕翼

第二室

丕顯

睿祖載揚教武左右

禰昆耆定區宇慶衍日本支

紹纂基緒

嗣服惟初禮須告祀

延洪幼冲 永錫繁祉

第三室

明明

我祖神聖無方武定文綏于

先有光運開大統德冠百王

仙馭漸遠攀慕奚極祔廟奉安緝典是式

燕翼如在 英靈日赫

第四室

於皇

昭考神靈在天民受陰賜餘二十年不

饗其位眇躬是傳追尊

徽號永言奉先爰用昭告齋慄揭虔尚臯

申佑寶祚綿延

登明亥元神

維神摠効成功尊臨陰位適承歲德爰誕

眇躬屬秋仲之佳辰致嚴禋之菲奠仰祈

昭格永荷

神休

歲星木照星

維神象緯玄穹祥開下土直茲歲事相我

冲人恭伸默禱之虔爰即絳宮之闕庶憑陰佑聿

底丕平

柳宿胎星

維神光臨  
初度獲  
纂鴻圖顧惟涼薄之躬萃集  
簡穰之福近因多故致崇幽壇尚冀  
精英更隆安  
吉

新舟落至祭歲君文

成舟委波謂之落至維神灼知一歲之事况彼中河  
轉致厥載上下安輸非神曷賴

修五門前橋祭歲君地祇文

應門將將前臨天津  
玉輅所馳虹梁必陳爰構爰  
締築之阨阨神維垂祐迄于有成

五方帝祭文

因方殊號尊以帝稱殿臨五部有赫其靈維橋之作  
鞭石駕梁尚冀擁衛大來百祥

擬禁酒詔

漢賜大酺歲有常數周申文誥飲戒無彝况糜粟者  
莫基於斯崇飲者刑則無赦近緣春旱朝議上陳宜  
禁市酤以豐民食朕詳思來奏寔為腴民可自今年  
某月日民間毋得醞造酒醴得天物暴殄重傷時和其  
或違者國有嚴典悔其可追故茲詔示想宜知悉

中書省牒宋三省文

中書省劄該爰自

聖上即位之初重惜南北生靈之故一視同仁首主  
和議故遣信使講信修睦往年征進大軍即令各還  
本屯仍嚴勅邊將非奉

上命毋得妄動行人衙門命以轅更歲律寂無來音

何哉不惟有失忱辭反啓邊釁以致攻圍我上蔡侵軼我鄧郢襲華陽擾隨州劫掠真陽數犯漣水此皆出於使輶已入彼疆之後將和而戰得無異議乎夫信與義自古所恃以為國者也一旦棄捐自有任其責者矣向也

大駕巡狩北庭以平內難今渠魁授首已於正月廿六日還宮飲至頃因行臺入覲

陛見之日具以

奏聞請重兵壓境以問其故五月初五日奉

聖旨此一事發端自我姑待之省府仰體

聖上仁慈尚存兼愛恐拂初心弗允所請且夫

朝廷大計已定此特有司之事耳今就委本路發使

詳問焉若復遲疑不決秋高馬肥至日別有區處當  
司依奉省割令差諮議官崔明道兵馬副都李合  
義充詳問使移文淮東制司即今國使安在何稽  
留不發并節次侵疆之役具由回示以憑呈省施行  
請早示定議據此須至牒者

順德府大開元寺重建普門塔碑銘

國家以神武戡定區夏際海內外悉主悉臣其所以  
尊顯釋教彌綸元化者方往昔爲最重予以推弘濟  
之深仁歛無量之衆福續大寶錫群生躋六合於仁  
壽極樂之域豈特崇奉而已哉順德府大開元寺  
聖天子潛邸迄於  
御極持護寵錫者前後非一至精藍淨衆特

命近臣主領不與佗寺比三十年間續光起廢集于大成主僧崇嚴以寺之大緣寔肇基寶塔今雖雄峙雲衛未有紀述何以壽無盡藏之傳至元丁丑秋懇輦真國師以其事請于朝制可命奉御脫列傳

旨翰林院定撰合立碑文者臣謹按提點僧崇湛具列事蹟寺舊有塔曰圓照矣西之兵燹焉逮

國朝辛卯萬安恩公來主函丈始圖興復其感驗靈異有神化無方者初公既祝髮心印佛乘機蟠利用鍊形辟穀面壁安禪結習於臨城者五年建緣於清泉者有日演法出無礙妙辯濟物現當機應身至回邪入正卻火返風雞悟靈而啄香牛馴致而受戒寒

泉復罅井之波斗粟周衆僧之供復以慈善根力愈  
奇疾極危厄人截髮餘珠垂舍利潔庖秦而侍館穀  
代公私而息釋騷其感化方便人巨且舉第以菩薩  
目之以致遠邇隆嚮願言依歸及廟役興得能仁觀  
音舍利二顆光大殊常又易塔心柱礎因風自正故  
勲貴其富鉅商世農施獻輸給同竟事緣金幣梓材  
不期而輦至藝巧工能不率而子來風動雲委畧無  
虛日不十稔豐構重簷輪奐離立文階層祀勢軋坤  
軸藻拱璇題軍飛塵外若乃紺瓦鱗差金輪眩彩覆  
法雲於真境曜慧景於康莊絢爛動盪若金光明中  
現無量化佛仰之者火宅晨涼耶之者重昏夜曉誠  
法界之寶宮河朔之傑觀也實經始於重光單闕之

仲春斲手於上章困敦之秋孟簷年十有三崇六十初  
其二與費不可殫紀癸卯冬師拂衣禪室歸寂真空  
即日有雨木冰之異塔位石像亦怛化流潤若潛焉  
出涕者及歛大眾聞空中來妙音樂聲雲光變幻環  
刹成五色樓觀中現三大士像至有升塔投空攀號  
者其具戒門資萬數內嗣祖傳法解三藏教沙門今  
亦千計其為世宗師感慕者蓋如此已酉歲嗣僧宗  
朗因太保劉秉忠奏疏請

聖上為大功德主遂嘉納焉且聞師梵行清修乃遣  
近侍護葬及建塔賜銘謚曰弘慈博化大士

勅寺額曰大開元寺塔曰普門之塔爾後累降  
綸恩優護贍卹靡不備至其紹化住持曰宗潤嗣傳

住持曰崇朗崇悟崇瑀至崇嚴九六代初緣清泉淨  
土寺乃大士宗姪崇音住持云臣竊聞大雄氏之教  
以清淨虛寂為心方便慈悲為用愍念大千衆生墮  
落苦海洪濤鼓風漂流無際世尊心運慈航拯溺度  
厄俾登彼岸歸淨土正路又慮一切愛慾有迷悶終  
不覺其本來真心者故假象設教開死靈歛至理絕  
人區事出天外弗余奚能傳悠久而警悟萬億劫邪  
宰堵波之建假教高顯極矣然道自人弘功繇緣立  
非遇間氣傑出智慧開濟大士疇克弘通法海鋪敷  
教基如是先大者哉且為

聖天子終始崇奉如一特


詔賜銘以昭來世臣某拜手稽首而獻銘曰

釋迦挺生自西域  
經從白馬肆金光  
仁王應世憫言湮  
教因象設濟無邊  
開元大士弘慈公  
法音演出琉璃筒  
高標突地跨蒼穹  
兩華天風韻流鈴  
聖皇錫號曰普門  
要欲手絜閻浮生  
臣聞大德必得壽  
蘿圖鞏固等彌廬

靈山玄風暢無極  
法本誠心歸利益  
大千淪流苦海厄  
塔廟龍宮爭湧出  
五載雷轟轉奮禪窟  
建此道場化所服  
一日雄尊三百尺  
師雖示寂此長舌  
臣今思議何惻怛  
躋彼仁壽極樂國  
佛應回施無量福

聖子神孫千萬億

秋澗先生大全文集卷第六十七



開化圖書館

kuarhwa library

秋澗先生大全文集卷第六十八

翰林遺藁

擬中書省賀河清表

伏以天開昌運統一車書地應休楨河清陝洛如式  
恭惟

皇帝陛下德昭天漢思溥淵泉覆露何止於中華洋  
溢遠霑於方表以致潤溼九折鏡淨兩涯自陝至汜  
幾千里之遙由乙至丙逮三旬之久鱗介之泳游可  
鑑山林之形影皆分躍圖馬於龍宮未容專美舞  
夷於鱗屋時出効靈觀茲上瑞之方增特表

吾君之至聖臣某等叨居華省幸覩榮光敢傾葵日  
之誠用代辭人之頌遐荒嚮慕百川宗滄海而王寶

祚洪延萬壽等舟立之固平又國上澄下安徽光益昭萬年之壽

擬聞捷賀表

天網雖疏曾恢恢而有失罪人斯得迓穆穆之來平  
外侮既消頌聲交作臣某等誠歡誠抃頓首頓首恭  
惟皇帝陛下仁含動植德媿生成振長策而用三驅  
念天顯而悼九族存雷之震遠驚而邇懼大風之舉  
歌動而雲揚側聞喜自於日邊豈止威加於海內臣  
某等職叨省署阻奉

鑾輿竚目龍旂遙伸虎拜歸牧武成於周馬歌功美  
邁於唐銑

六轡言還春動兩都之和氣千官飲至歡騰萬歲之

霞觴

如式

中書省賀正慶八十表

甲午歲

伏以明堂受籍萬方歸一統之尊神策探祥八秩開  
大椿之首稽諸前古曾未多聞中賀恭惟

皇帝陛下德本至仁天申顯佑維神聖之廣運致功  
業以獨高粲然華三代之英蔚爾創一家之制與天  
立極躋世於平我澤我威洽乎南而暢乎北曰聲曰  
教漸于東而被于西方且通達下情蠲除積負肆  
赦恩而哀矜庶獄扇泰和而煦育群生宜福壽之貺  
如川方增見寅畏之心維日不足端臨元會光動漢  
儀舒化日於中天湛露息於春酒匪叨承  
睿眷久待瑤階備位秉鈞何補馨香之治捧觴上

壽永應日億萬之年如式

中書省賀尊號

皇帝壽八十表

伏以廣二億而輪二億萬方歸一統之尊

春八千而秋八千

六葉開大椿之首稽之載籍曾未前聞恭惟

憲天述道仁文義武大光孝皇帝陛下

德本至仁天申純佑繼

一祖

四宗之業兼三皇五帝之功

燕 貽謀動從民志以

太孫撫軍而重安國本以新河轉漕而通惠畿民建

大學而首善京師

清中書而杜絕群狂緩回

鑾輅省秋歛而即田功丕顯

前光纂武圖而修信史惟

聖神之廣運納

福壽於方來神嵩屢聽於三呼錢祖莫多於八百顧  
茲鉅典稱慶宜先况盛事之難逢幸微生之親見臣  
某等職司蘭省喜倍輿情順考百王實光千古輸誠  
報上區區歌天保之詩以億祈年永永同洛書之誦

又

伏以王正紀月萬方歸一統之尊神筴儲祥八秩啓  
無疆之等况得春於上日協正氣於四時事盛來并

禮須交慶恭惟

尊號。○陛下誕膺景命祗紹炎圖載續三代之英  
創作一王之制繼天立極躋世於平化行鯨海之南  
威暢龍庭之北廓廓然可謂無事魏魏乎其有成功  
方且以富截民與免積年之負方春布德肆頒咸赦  
之恩宜壽祉之方隆見嚴恭之克享端臨元會光動  
皇儀舒化日於中天湛露恩於春酒臣等率先列辟  
拜舞稱觴又侍台階向益體元之政願言洛誦來符  
垂億之年

聖壽節表

伏以日符協夢茂隆探策之祥鳳曆周星方啓同天  
之運休徵滋至海宇交懽中謝恭惟

尊號○○陛下帝學日新聖模天縱恢章先業垂裕  
後昆所欲從民爲天立極以  
太孫撫軍而重屬世望以新河通漕而倍益民儲建  
國庠而首善京師清中書而杜絕群枉方  
翠鑾之回軫慶玉燭之調元敬展賀儀載臨誕節臣  
某等承乏鼎鉉同秉國鈞愧無金鑑之書徒切露囊  
之獻

光瞻

比極列衆星環拱之先

壽等南山伸天保不騫之祝

翰林院聖節賀表

伏以翠鑾回軫屬千官飲至之秋玉燭調元慶萬寶

登平之歲載臨誕節煥舉賀儀中謝恭惟

尊號陛下內極文明外昭拒撥爰從登極之初未嘗  
以位為樂思章先業垂裕後昆燕貽謀而以之撫軍  
清中書而俾之端本于以息有中夏謹度侯藩上禱  
下祈為民歛福東征西伐與世除殘文軌一家而不  
曰治安者乎煙火萬里而可謂和樂者也尚觀惟新  
之政擴推不忍之仁包舉遐荒涵濡

聖澤臣等叨居辭館榮列士林敬奉倪觴俯伸虎拜  
敢希金鑑之誠仰罄神嵩之頌感生北帝歌有商長  
發之祥壽等南山罄天保不騫之祝

謝授翰林學士表

臣言今日日蒙

恩除臣翰林學士者伏以求賢圖治遠邁

哲王養老乞言誠為重事况

聖代方文明之盛在禁林須超逸之才如臣者學術  
素疎桑榆垂晚俾擢升於衆上殆選有於無中茲蓋  
伏遇

皇帝陛下聖敬日躋文思天縱紹接千年之統光揚  
列聖之徽舍所短而就所長小成小而大成大敢不  
疑思螭首益礪詞鋒由外臺而登玉堂固已極當代  
縉紳之寵約舊章而修信史何敢企高天  
日月之輝如式

登寶位賀表

伏以承祧主器已欣曆數之歸助順與能允協神人

之望專光前古運洽重熙欽惟

皇帝陛下

皇祖聖武之曾孫

明孝太子之嫡嗣英武同符於

先帝溫文早著於春宮扈蹕東征躬勤備至撫軍北  
邁我武維揚符命自至而呈祥宗盟樂推而同戴既  
深丕眷所助宜多觀大寶之昭外將兆民之求賴中  
統至元之治行見增隆漢文夏后之賢莫之獨美光  
融化日歡沸民謳臣某等以事

先朝備位政府再逢嘉會喜邁輿情景命維新按軒  
曆上元之統太平假樂稱瑤階萬壽之觴

老人星致語

伏以太平有象治洽金穰至德無方文綏武暢惟精  
誠之上感致淵耀之輝臨臣遠自孤南光融狼北尾  
眉鶴髮月帔霞冠遽踰常度之躔來展流虹之慶懽  
皇帝陛下玉帛萬國庭衢八荒紹

列聖之垂休圖舊人而共政幾先物而聰明齊聖量  
包遠而恩澤無遺取憑出丙之微明用禱後天之遐  
筭咸躋壽域樂對昌辰南極何深下坤維七十五度  
北辰伊邇拱乾位億萬餘年爰捧徽章式伸善頌其

辭曰

天地穹窿一氣盍祥開來表

帝皇真九圍覆露堯天大萬有榮懷湯德新報上疇  
非思下下推恩及物自親親通明殿裏長生奏願祝

元貞萬萬春

中書左丞姚公制

朕聞

世祖睿臨之久有文王多士之稱如種楸楠而備梁  
棟之材如積璠璣而供瑚璉之器而况先朝故老當  
代名臣良用慨然想見風采故中書左丞姚某生稟  
淑質世稱大儒爰自

潛藩殆若神授天扶道統力主經筵以聖道而覺斯  
民燭天理而息邪說智足以達其言行辯足以濟其  
經綸耕桑開王業之艱征伐佐雲南之舉罷侯置守  
轉官之制初行論道經邦建極之功斯在是用圖回  
左轄羽翼

春宮永惟佐命之勤式贊

承桃之美籥羽東序從容賢傳之嚴

綸綍北門寂寞玉堂之話百身莫贖一鑑云七開國  
於營用旌直德可贈某官某謚俯惟英爽歆此寵靈

中書左丞許公制

朕究觀世數灼見天心粵惟有不世出之君然後得  
大有為之士運符千載道濟一時中書左丞許某爰  
自師儒遂拜左相用之不惟不重學之不惟不深貞  
一乃心執持苦節謀謨善斷精識造微旣逢堯舜之  
明用安社稷為悅君聖臣直理明道尊庶幾夷夏之  
安風以詩書之教衣冠萬國雍容叔孫之儀仁義一  
家剴切魏徵之諫在中統至元之治有永淳貞觀之

風此其效焉功可忘耳而復養英材於國學齊七政  
於璿璣白首南歸尚深北顧憂來丘禱歎歎柱石之  
襄人去鑑亡瀟洒風雲之契感時懷德想像其人忍  
惜卹章俾䟽身後可贈某官某謚尚期奄安不昧欽  
承

翰林學士承旨王公制

人臣大節忠義為先卹典推恩古今一致故翰林學  
士承旨王某道德淵深人品峻潔板蕩見忠貞之操  
文章有正大之風養力息兵貽謀進諫惟軍國正撫  
監之體將謳歌貞曆數之歸白首匡時赤心為國庸  
示至公之論曾無一己之私而又扶昌運則一代名  
臣鎮雅俗則百年遺老去日漸遠有念何窮九原之

氣猶生不忘宗社三事之報斯在庶極哀榮可贈某  
官某謚尚與英靈服我休命

請上尊號奏草

臣等言伏見

陛下昭受

顯號今已十年

聖德神功日新一日又

聖壽新歲茂登八秩考于典禮合行再上

尊號上以贊揚

功德之萬一下以整臣子愛戴歸美之誠謹此奏

聞伏冀

聖慈特賜允許

表外任進賀

聖壽節賀表 至元三年

電統中樞寶曆啓千齡之運祥開彌月瑤堦儲八葉  
之賞九在覆臨疇非鼓舞欽惟

皇帝陛下聰明時久聖敬日躋爰從在御之初未嘗  
以位爲樂大度同符于漢祖宏規遠邁於唐文績

四聖之丕圖新一家之大典尊崇故老思致隆平委  
任勲賢迭君宰輔文之以詩書禮樂律之以軌度儀  
刑薄賦輕徭省官定制尚側身而修行每前席以賓  
賢察納雅言彌綸元化上所以恢章先業下所以弘  
濟生民凡曰云爲務從休息分總司而去積年之弊  
更庶尹而削藩鎮之權尊祖配天安宗祀於九廟敷

文柔遠舞干羽於兩階功德兼隆神人交暢以致服  
前代所不能服臣上古所不得臣東夷航海以來庭  
西域梯山而款附可謂振長轡以遠馭敵中國之至  
仁仰惟極治之難各皆出聖模之廣運載臨盛旦敬  
舉賀章臣等猥領郡符恩崇天造進乏千秋之金鑑  
遙稱萬歲之霞觴同虎拜以揚休下列阻陪於北闕  
効嵩呼而獻祝賡歌載詠於南山

聖壽節賀表 至元四年

甲觀開祥嗣大歷無疆之服華封請祝罄後天難老  
之期九在壽臨率均呼舞中謝欽惟

皇帝陛下文思天縱聖憲日新得漢唐經國之權綱  
極堯舜知人之濟哲以岳牧治本也疏之而冊授中

書化源也清之以弼諧尚兼聽以爲明每得賢而恨  
晚溥覃祿秩優復民田有官荷覆露之恩含氣遂生  
成之樂家給人足時無歲豐九歌莫被其神功萬事  
馴歸於道揆而又順長道而屈群醜推至悌而御多  
邦謂本支一出於祖宗重䟽恩而立愛江漢終歸於  
淵海首繼好以息民由旣睦而於變時雍以克肖而  
全付所覆春際八荒之壽域天開一統之徵祥瑞屢  
見於蒼麟箭罷傳於青海西窮月窟率稽顙以來王  
東極扶桑復寅賓而朝日繫爾至元之盛烈於昭曠  
古之深仁瑞節載臨賀儀煥舉臣某等心馳魏闕職  
限侯藩阻振鷺以陪庭儼天威之在上千官飲至傳  
闈置酒於南宮萬歲稱觴第切瞻光於北極

兩宮正位稱賀表

伏以正位建儲舉一代當行之典推仁被化遂萬邦  
咸喜之心凡在臣鄰同音鼓舞中謝恭惟

皇帝陛下道彰坤順德益離明治首

宮闈基隆

國本著

母儀於天下融

少海之波光謳歌見四海之歸教治豈二南之廣壯  
本支於百世尊官儀於一時某等職忝侯藩心馳  
象闕徒切煙花之想阻陪鵷鷺之行敢罄丹衷載陳  
封事德符寶運拜揚稱三殿之觴慶衍蘿圖綿亘接  
萬年之統

聖壽節御史臺賀表

鼎定皇圖接千歲上元之統天開甲觀儲九秋盛德  
之祥聲教所加謹呼斯溥中謝恭惟

皇帝陛下堯文天縱湯聖日躋爰從在御之初未嘗  
以位為樂躬勤儉德夢想幽賢察納雅言恢弘治道  
蕩皇威於北海藉千畝於東郊載崇列聖之鴻基仍  
割一家之大典漢官儀之漸復唐治具之畢張尚深  
闕政之思屢下卹民之詔內被災而修行外發政以  
施仁明德緩刑輕徭薄稅而又天臨睿智坐折遐衝  
昭曠度以無前振長轡而遠馭爰整干戈之事終歸  
雨露之恩雲掃黑山孰謂玉關之久閉春回鴨綠旋  
聞滄海之維清既荒外服之功尤盡內修之理嚴於爾

至元之盛烈於昭曠古之深仁瑞節貴臨賀儀煥舉  
臣其等榮叨臺諫戀功葵傾陪稱漢殿之觴仰効露  
囊之獻光瞻北極罄封人上願之心壽等南山伸天  
保不騫之祝

聖壽節賀表

寶曆膺期接千歲上元之統日符協慶開九秋盛德  
之祥稱慶惟均際天所覆中謝恭惟

皇帝陛下離明繼照乾健乘時動順民宜更張治化  
未懿德而式序爾位任吉士而勵相我家尚深關政  
之思屢下子民之詔去網更仁於湯祝敷文思格於  
苗頑既荒外服之功尤盡內修之理卜營督亢宅壯  
陪涼據山河全勝之區得貢賦適中之地干以隆上

都而觀萬國備時巡而禮高年四聰達群下之情一  
豫為諸侯之度臣鞞榮叨郡寄心切葵傾阻稱漢殿  
之觴徒効露囊之獻運鍾北帝祚有商長發之祥壽  
等南山伸天保不騫之祝

御史臺賀正旦表 至元八年為御史時作

伏以鳳曆領春三正協夏王之統雞人唱曉萬方稱  
漢殿之觴品彙冲融衣冠環拱恭惟

皇帝陛下容德乃大盛蹟無前載新出震之權端履  
乘乾之位東漸滄海高麗蒙再造之恩西極渠搜葱  
嶺多來庭之使國字創一家之制朝章舉曠代之儀  
方漢之險何足恃乎高深蓬萊之波旋復聞其清淺  
終格羽干之舞姑奉文誥之辭咫尺天威趨承鳳闕

蕩恩光於萬里醉春色於九重臣某等久侍瑤階叨  
居憲府獻可替否詎能振臺閣之風拜手揚休仰以  
祝河山之壽

正旦賀表

伏以玉燭調元葦莖啟堯塔之曆椒花獻頌錦封陪  
漢殿之觴朝野同歡乾坤交泰中謝恭惟

皇帝陛下仁涵動植德備廣淵受籍以朝履端於始  
爰體春王之月屢頒寬大之書顧軫軫慮以洪深躋吾  
民於仁壽而復開明堂而坐治奉帝藉以躬耕摠攬  
皇綱務滋大本鳳城斗轉春廻萬里之農桑紫禁天  
開瑞靄兩都之雲氣臣某等叨承列郡遠被恩光敢  
俯傾葵日之誠仰以効華封之祝遙瞻北闕天威始

咫尺之臨壽等南山神筴授萬千之筭

史都督讓總管表

臣謹言推賢以位敢希高世之名以讓移風固有爲  
邦之教志雖自信政亦當然中謝伏念臣某等鷹犬  
微材邊防舊帥起家燕地分土恒陽累朝荷眷遇之  
恩報國之忠貞之効正以先臣之故久膺方面之權  
崎嶇提陽夏之師屯戍控荆門之會仰憑

聖筭十載無虞鎮守長江寸功何有比加寵數方驚  
都督於諸軍恭被朝章俾襲天倫之舊物

君命凜雷霆之重微軀處伯仲之間情有難安禮宜  
遜讓臣兄某灼知民事素秉忠心功收製錦之能政  
洽承流之體如黃霸已優於治穎何景宗遽可以臨

民伏望

聖慈鑒臣愚智非敢圖私已之便實恐貽不友之譏  
念念天恭敢後周書之誠堂堂大國務先常棣之風  
謹拜表以聞

聖節望闕祝文

龍馬授圖已肇興王之迹流虹啓聖大開彌月之祥  
九居覆載之間疇匪懽忻之至欽惟

皇帝陛下聖謀能斷睿智足臨天祐人歸功崇業廣  
西平大理蘇雲霓侯望之心南渡長江得風日清明  
之助爰履神明之祚恭承祖考之休庸示至恩以昭  
曠度親王昆弟光輝棣萼之樓異姓動臣揚歷金華  
之省尚求賢而若渴每從諛以如流所期無曠於庶

官急欲廣聞於民瘼禮百神而歛福順三時而務農  
載戢干戈俾安田里施仁發政先困窮無告之人講  
好息民停邊鄙喜功之奏而又兵民異政威愛並行  
鑑古昔之安危立規模於宏遠移官吏而除累年之  
弊崇儒雅而興文治之風尊京師而強幹弱枝削藩  
方而如臂使指分宰相於諸道專委任而責成功置  
統軍於遐陬蓄精銳而消外侮唐世之時雍丕變漢  
家之治具畢張以致祥風扇和時雨霑德炎洗蠻邦  
之瘴春回沙漠之寒車書八方不曰治平者也煙火  
萬里可謂和樂者乎民歌德化之成心靡帝功之有  
當萬寶秋成之節適群龍首出之辰湛珠露於仙盤  
蕩金風於玉宇香藹三山之紫霧權騰大液之蒼波

吉旦光臨溥天同慶臣等叨居民部阻奉壽觴不勝  
葵藿之誠仰答乾坤之造遙瞻北闕天威逮咫尺之  
臨拜祝南山神筴授萬千之筭

十六年賀正旦表

任河南河北道提刑時作

玉燭調元允協三朝之始春城回斗茂凝一氣之新  
正朔所頒邇遐交慶欽惟

皇帝陛下端臨左个誕受輿圖仁擴春寬道開時泰  
化日舒而民力足奔鯨沛而海道空清明際區宇之  
間鼓舞樂雍熙之治尚惟事統丕顯聖謀孜孜下達  
於民情念念化隆於邦憲保釐荒服咸吏冗而益監  
司惻憫長征數軍實而免貧役功極見寢兵之漸策  
長盡馭遠之方履茲肆覲之辰介以如山之社臣等

欣逢盛旦叨領外臺政罔肅於簡花禱徒伸於椒頌  
遙瞻宸極阻奉觥觶夢聽鈞天露露恩於春酒對揚  
休命祝

聖壽於南山

聖壽節賀表

至元十七年八月初二作

秋滿皇都荷

大駕省方之豫祥歌長發屬千齡應運之辰夙旦載  
逢儀章煥舉恭惟

皇帝陛下聖惟桓撥智足睿臨界式九圍大開一統  
安念盈成之戒每深覆壽之仁挈彼生民躋于壽域  
兵刑寢措收

帝王之極功基業恢弘光

祖宗之不一緒儲此無量之福有來滋至之休絜爾大  
元於斯爲盛臣等叨持使節即違遠天威雖微金鑑之  
翰誠敢後封人之願祝殷鑒銘至再天心享一德之新  
嵩呼者三

聖壽永萬年之筭

進瑞芝表

皇帝聖旨裏臣某等言於所領汲縣界內今月某日  
陶工朱良舍中產土芝一大本者伏以至和太來嘉  
貺昭應爰念開先之兆聿彰承順之祥臣等誠惶誠  
恐頓首頓首欽惟

皇帝陛下政治慈仁敬事老目舊

聖惟廣運惠澤春融

德合無疆瑞草英發彤枝曄曄合為連葉之芳紫蓋  
煌煌復出銅池之秀木孺慚稱於弘景郊歌美並於  
班書以茲玉質之奇特著

吾皇之壽適迎

誕節恭覩殊姿臣某等無任忻抃慶頌之至謹具表  
進獻以

聞臣某等謹言

甲申歲正旦賀表 山東憲司

伏以齊七政于璣衡統允協於夏正受四海之圖籍  
喜大溢於周邦香翻白獸之尊光動黃麾之仗恭惟  
皇帝陛下叡臨神筭武定文綏體元建極於中天顯  
任責成於諸相惟德應上天之眷遂運開一統之祥

宴錫彤弓畫接玉闕之使鹿清滄海暖回陽谷之春  
歷觀往代之規模未見今日之全盛尚軫憂勤之念  
屢頒寬大之書使民之政以次舉行煩民之事悉令  
革去廓廓然可謂無事出魏魏乎其有成功巨某等幸  
際鳩哀敢陳椒頌遙下肅雍之拜如臨咫尺之威紫  
禁紫花夢想鈞天之奏華封獻壽祝同嵩岳之呼

聖節表

伏以氣調玉燭開九秋大有之祥露湛霞觴獻

天子萬年之壽賀儀煥舉海寓同懽中謝恭惟

憲天述道仁文義武大先孝皇帝陛下立賢無方從  
諫弗拂畏服得所臨之道威揚極載績之功平內難  
而以義威親停遐征而敷文柔遠而又政歸一相事

華多門永言夙夜之恩大得股肱之助臣某等忝膺  
郡寄密邇

天顏歌天保以歸休阻陪駕列聲華封而願祝竊効  
嵩呼

歲

千秋節賀綫 至元十八年六月

運炎烏火見上天於穆之休一作皇天春命大開一

誕彌之月

帝降玄商適長發其祥之月千秋稱慶四海攸同欽

皇太子殿下德粹元良道隆純孝允當楚璧歷試堯

難未明問寢於龍樓思治均望賢於漢苑日深子愛時

御經筵擴推不忍之仁陰作無量之賜而又維持臺

憲與振朝綱左右端人圖惟國政雖一事仰資於  
聖斷致兩宮咸得其懽心以茲中外之情顯切撫監  
之望某等內塵法從外領雄藩恩深少海之波瀾躬  
侍春坊之劍履玉卮為壽陪鳳舞於西池鶴禁揚休  
等嵩呼於北闕一作玉卮飲酒陪鳳舞於西池室  
緒分輝俾壽昌於北極

啓

上經略史公啓

壬子年三月十七日門下王某謹齋沐頓首百拜致  
啓于

經略相公閣下右某言乾坤草昧建諸侯所以濟屯  
茅土分封惟太人為能開國仰佐  
龍飛之運須資嶽降之賢擬議以言非公孰可洪惟

經略相公閣下器兼文武運偶經綸衆推爲上將之  
材自任以天下之重攀鱗附鳳早依日月之光捧轂  
推輪榮受干戈之命萃一門之忠孝兼五路之侯封  
終始四朝險夷一節仁溫溫乎冬日氣凜凜乎秋霜  
內蘊一誠外含萬動推而行陣則勇摧大敵歛而東  
濟則澤被生民顧所遇之如何必其才之相應鷹揚  
虎視收中原百戰之勲蘭婉芝芬鸞漢將千金之譽  
既備過人之智故多及物之功綏斯來動斯和存者  
神過者化紅蓮綠水盡借壽入幕之賓長劔危冠皆  
扛鼎蒙輪之士謂蟻穴尚干於天討詔龍驤暫駐於  
遐陬旌旗未指於淮壩草木先聲於江左虛懷下士  
宜平原賓客之三千不戰屈人切充國便宜之十二

雖閑暇不忘於武備一周旋悉本乎儒風詩書鞍馬  
之間談笑風塵之外又且脫屣示讓在人所難當諸  
郎勝事之初乃一旦奉身而避弃壁而負其子林回  
雖近於人情捨已而與諸人季札蓋存乎教典方慶  
懸車之樂復承顧命之榮乘騄駟而超天河以腹心  
而參廟筭增輝白日叶贊明時力障群陰春回華夏  
試手已安於漢鼎阜民共拂於薰絃柱石之力初不  
讓於霍嫫姚股肱之貞豈復減於蕭相國而又量容  
江海利先國家顧所收之邑委以不爭蓋先見之明  
知其有在果展斗間之紫氣卒收度外之鴻名知其  
褒有成中存膺渥眷復衛邑為之湯沐豈曰偶然錫  
康侯至於庶番固所宜也望符興議歡動百城顧茲

繼負以借來寔出恩威之素着僉曰維昔有虎苛之  
政于今無犬吠之虞一新汚穢之風共沐神明之化  
出幽谷而遷喬木孰不快哉若大旱之望雲霓後斯  
久矣此共推於公議匪獨出於私心今衛勢據上流  
土名沃壤衣冠之所出風化之所生柰何民沾死者  
積年政弊極之有日治期清靜無如宰牧之良俗久  
浮佻宜審急先之務况仁深改革意切矜憐固非賤  
子之當陳諒以愚衷之所激伏念某三尺微命一介  
書生慚非適用之才素負讀書之念無繩以繫白日  
昔年甘落佩之迂披霧而覩青天今日有彈冠之慶  
且平昔想聞其風采况終身得爲之主盟爲喜可勝  
所憂一寫聞風興起已空北海之濱杖策來歸獨愧

南宮之謁儻預蒙於剪拂庶得免於駑駘所願無他  
其心止此借齒牙之餘論煦枯槁於寒鄉燕麥兔葵  
尚美春風之搖蕩鼠肝亞臂敢逃大冶之鑪錘疾將  
螢燭之微仰賀風雲之末過此以往不知所裁某頓  
首再拜冒瀆  
尊嚴不勝戰栗之至

上姚敬齋啓

中統元年七月六日席生王某謹齋沐頓首再拜致  
啓于

尚書宣撫先生閣下伏審

九天頒詔側聞方岳之分臨四海嚮風喜見太平之  
有自顧惟孱劣曷稱提斯况

朝廷方弘治之辰而州縣以得賢爲急須獲玄德外  
聞之士可副大人吐握之懷如某者稟性踈愚與人  
朴直斷无它技徒切休心爰自擇年持乖庭訓雖讀  
書鄉曲謾攻童子之雕虫及學道蘇門徒竊孫登之  
吟嘯因沾餘溢得列諸生然因窮不輟於絃歌念求  
事可爲者忠孝吾將仕矣未見其人蓋女爲悅已者  
容士爲知己者死俄翰簡光臨於圭竇見先生樂育  
之素心爲喜可勝所憂一寫何乃至於此蓋有激而  
去身賤貧而處世無聞跡泥塗而遇知爲貴若夫燕  
築臺而師郭隗豈天下之無人備奉命而奔孔融所  
喜世間之有已將搢衣於不日終瀝膽以謝誠伏惟  
閣下學際天人林兼文武幾年潛邸一變經筵儀表

四方股肱元聖方棊聞捷偉謝安雅量之雍容抗表  
出師見葛亮忠規之遠大以致佐命收奇功於六詔  
除殘價封豕於三秦盪平青海之波濤補就蒼天之  
日月方聳馬空於冀北首令詔撫於山東杖扶戴白  
之疲瘡春動百城之草木欲隆承流宣化之權故擴  
并採兼收之路慮一夫之不獲念小子以何堪戴德  
若天疇恩無地比遂掃門之役庶堅磨鈍之誠利一  
割之鈇刀享千金於弊帚翻知短鍛敢圖運海之鵬  
程言至再三恐辱知人之藻鑑過此以往未知所裁

上張左丞啓

中統元年六月日衛人王某謹齋沐頓首再拜啓事  
於中書左丞宣撫相公閣下欽聞

明詔來鎮雄藩凡在提封咸增慶抃謂天下大統也  
尚建侯而不寧初無中外之限方岳至重也惟得賢  
而俾乂故咨惟惺之臣然念德非盛大不足以填壑  
夸毗量非弘深不足以包摠細大才非經綸不足以  
酬事變望非崇高不足以厭饜人心恭惟閣下德富天  
彝材爲世用望出中朝之勲舊量涵萬頃之汪洋兵  
濟長江符羊祐抗章之志龍興代邸偉宋昌獨斷之  
能故得雨闢雲開陰消陽長雷霆驅號令之威朝野  
擴網維之治繡衣南下寔承流宣化之權齊斧西臨  
正摛伏破姦之日而今况河朔數路懷衛兩州世官  
有晚唐擅據之強風俗近天寶塗炭之苦穢彰隣邑  
政出多門其爲害也權在吏胥之手賄甘桀黠之心

敗者能先去之善人者其自存耳以

聖求直言之者故愚儒及舊政之非伏念其一介  
布衣半生文史顧其時之可出念所學之無成北闕  
上書媿乏馬周之志南山種豆每懷楊惲之風觀化  
明時游心至道不求鳴於時相終混跡於常流少得  
見知侯喜顯名於韓狀如蒙所讀曾黜終老於孔門  
過此以還未知所措

授翰林修撰同知制誥兼克國史院編修

官謝中書省啓

中統二年秋七月廿九日王某謹齋沐頓首百拜奉  
啓事于中書門下伏以幼學壯行自吾儒之常事位  
尊德薄寔君子之深憂况禁林乃清切之資而自昔

極人文之選如某者性資撲魯學術華蕪初窺篆刻  
之文稍服鯉庭之訓而葺修葺有其素徒佔畢不去  
其心血指汗顏竊弄柳州斤斧屬辭比事略窺左氏  
門牆賴鸚薦之先容致囊錐之立見幸遇鴻熙之世  
未觀上國之光自嗟坎井之蛙日侍幕蓮之地時乏  
駿足用駑馬以代駿筆悞素屏點蒼蠅而成質方退  
南飛之鷁重留西掖之垣方進預使席之榮行李致  
館人之意念朱雲之恥吏哀王孫而進殮顧影自怜  
捫心有託特以見知之厚遇不無立仗之長鳴苟丐  
虛名盡光歸路豈意誕膺綸命峻陟文階忝分蓮炬  
之光得與玉堂之選固不能奮陽城之觀望無乃自  
郭隗而權輿儘不負十載夜牕燈火之勤足以瞑九

原先子之目其榮已極夫復何求茲蓋伏遇中書相  
公閣下柱石中朝風雲潛邸羽翼四人之勲業文章  
兩漢之精華秩乃代天門無弃物父子傳溫國之學  
書史備鄴侯之籤公捋權衡彼自爲之高下信如寒  
暑卒皆遂於生成豈謂併幪蔭及蕭艾其敢不勉修  
士行恪守官箴仰酬雨露之恩俯答丘山之德蓬蓬  
運海固敢期九萬里之程碌碌因人庶不在十九人  
之後過此以往不知所裁謹奉啓事以聞王其頓首  
再拜

青詞

齋意

早氣隆蟲歷三時而已遠守臣惶懼顧大責之難逃

輒先穀雨之辰敢罄雲求之懇預期以告於禮則宜

祈雨青詞

恐懼自修災有可消之理敬誠斯在天無不饗之心  
伏念臣憚素昧臨民叨承物寄每荷登穰之惠庶寬  
撫字之憂爰自去秋迄于今歲風霾蓬勃生意焦枯  
時疫大興秋種未下氣將交而寒薄雲已合而風醜  
既走郡祠載呼洪造恭輸至懇光塔靈壇集道侶於  
琳宮宣琅函之真誥伏望九天降監列聖垂慈分勅  
山川之神普下雷霆之詔風災一返膏潤咸霑活便春  
事無訛喜動四郊之未秋成有望歌賡高廩之詩臣  
無任瞻天望聖激切屏營之至

祈雨青詞

伏以萬物盈於兩間，享毒必資於帝力。皇天祐于一  
德，高明庶格於精誠。比者時雨愆常，秋種不下。重念  
無辜之者，將罹飢饉之災。用是罷將作而弛土木，禁  
市酤而重餼糧。循省自修，冀回哀眷。氣將交而寒薄，  
雲既密而風醜。適當龍見而零爰致，桑林之禱恭延。  
真馭崇建，靈壇伏望。列聖垂仁，九天降鑒。易陰陽之  
恒，數幹運化之玄機。下勅豐隆，霈流甘澍。蘇槁麥於  
南畝，播嘉穀於東郊。一滌昏霾，溥含生意。豈惟大賚  
三農，免失業之憂。嘉與多方，高廡享有年之慶。

祈雨青詞

天地乃萬物父母，忍飢饉之荐臻。風雨為一歲咎休  
顧得失而與應，念守臣之不職。致春旱以為災，終風

且靈種不入土近雖霑其濡潤終未至於霑澤二麥  
就枯群情懷懼念鰥寡無辜之者有溝壑立至之憂  
既走郡祠載籲玄造瀝愚衷之至懇建兩部之靈場  
伏望真宰鑒臨高穹陰隲溥同一視之仁大霈如膏  
之澤興嘉苗於四野際和氣於兩間庶寬轉側之勞  
共慰後蘇之望所有報禮其敢後而

為春旱至災青詞

伏念天聽雖高惟至誠而能感田功未即發歲事之  
可憂敢瀝丹衷仰干玄造茲者自春徂夏時雨愆期  
萋桑卷而步屈為災嘉禾槁而風埃蔽野吏則不德  
民將何尤非恐懼以自修將蘊隆而昌已爰差穀旦  
乃建靈壇延致羽流恭修法供應蒼精之昏見異誠

意之孚通伏願列聖垂慈九天降鑒俯回哀眷霑甘澤於一方丕顯神功享豐年於高廩

齋意

伏以驕陽恒若時雨未沾嘉禾槁而耕墾如焚步屈災而春蚕闕食齋心預告於禮攸宜

為張縣尹吉求嗣青詞

伏以不孝有三身無後而為大輸誠儻至天雖高而聽卑敢瀝丹衷用干玄造伏念臣某一行作吏壯歲當官久居簿領之間未免輕重之懼或養志罔終於恃怙或臨民多靳於哀矜以致二子併亡半生惴獨自孽難逃於陰譴隱憂及於先人敢資真惟惠之仁爰謹籲天之請敬陳清醮上扣高真伏望太眷垂哀

憫孤影零丁之苦維羅應夢廣一門嗣續之傳

為鄉人禱疾青詞

伏以民固多愚匪易天心之感老惟欲逸何堪豎疾  
之嬰敢以聽卑用伸懇至伏念臣某生居市閭長失  
義方凡有作為不無過咎或營營以窺利或昧昧以  
馮生正以貪癡愈深罪釁又緣移徙多所紛更穿掘  
既發其蓋蔽修治悞衝其禁忌以致災徵未已病日  
彌留和豫既乖眠食稍廢採藥徒為之眩眩朝昏遂  
苦於呻吟伏望上聖垂慈高真降枯庶憑仁覆得蒙  
羸劣之安言念愚衷永謹省修之戒

秋澗先生大全文集卷第六十八

秋澗先生大全文集卷第六十九

疏

衛輝路創修文廟疏

竊以廟而通祀國家極典禮之尊教以多方庠序乃  
風化之本子馬而父臣馬而君大凡日用之間無匪  
聖人之道既富而教日時則宜猗嗟君子之邦久曠  
素王之位吏之不職孰此重焉學之不講是吾憂也  
爰興丕構庸示教基擴前日輪奐之規啟百代神明  
之觀經始雖先於一府贊襄寔賴於諸公蓋土木之  
資是甃之用須豪傑而共濟庶程度之可完仰止翬  
飛永鏘玉振春秋二祀肅豆遵三代之儀袞冕而王  
還文物昔年之舊凡我同盟之者即當聞斯行諸謹

疏

大成殿上樑疏

伏以起百年之廢不渝乎素心合四境之人用扶其  
脩棟凡曰有生之者孰非吾道之中功將底於落成  
衆能無於小助况鄉校半讀書之子而師帥舉稽古  
之流重瞻邛衛之天又被絃歌之化推求治本一出  
儒宗敢紆長者之車來聽兒郎之備謹疏

重修衛州蒼谷山廣施王廟疏

伏以民所欲而神必從宜深乎報神有享而民乃主  
否則疇依顧維明神爰處蒼峪司分雨部權控龍威  
時罹曠乾禱輒靈應且王號已昭於舊典而秩恩又  
見於新條比者祠宇年深壞楹日圯塵昏畫像慘雷

轟電擊之雄瓦落宮墻動木老雲荒之嘆今將上完  
霧棟旁奕蒼池及時瞻山雨之來闔郡享豐年之賜  
神報乂已豐矣公等宜如何哉謹疏

隰州蒲縣重建嶽廟臺門疏

伏以鐵鳳翔雲神棲固極於壯觀銀臺墮陸天廢必  
假於人謀眷岱嶽之行宮據蒲城之右麓豐碑具述  
歷代增崇雖作鎮於東方寔普臨于率土有禱輒應  
顯化殊常蓋幽明祕不測之神而死生爲揔歸之府  
茲非尊奉曷致敬恭今將大復神譙俾還舊觀計百  
費以寔博顧一已而難爲衆力經營厥功可儔舉蒙  
少助不日告成靈威肅喬木之風雲氣動孤山之色  
璇題藻棟儼九天來格之儀僚寀黎民獲三殿護持

之福幸垂藻鑑請署芳題

玉清觀化緣疏

竊以雲飛鶴舉固所去以爲常火食屋居在有生其  
可闕未遂山林之往所期性命之安如某者忝鄭圃  
之居久蒲戶間之履慕子真之隱擬耕谷口之雲雖  
南鄰北里揔是檀那而凌雨震風可踈寢處爲歸翼  
數飛於夢蝶奈拙謀復甚於林鳩王錄事倘助於草  
堂庾桑楚庶休於畏壘田園成趣平分乎二頃煙霞  
杖履宅時共樂此一庵風月九曰通方之士能無尚  
義之心

鄆城縣普濟寺化緣疏

伏以建外道場不獨爲天女散花之供祈

聖人壽庶或盡臣子永命之心眷高魚之北鄉迺獲  
麟之西鄙古瞻勝槩地發龍光已霑普濟於明經未  
覩華嚴之寶界今將百堵具舉精藍幸修需仗衆緣  
能成妙果道昭者雲龕野衲海嶠行騰卓錫得泉了  
此這場諸佛事投竿在水肯教空載月明歸謹疏

請黃先生德新主善疏

三年至穀諸生忍廢於光陰一卷立師學行首明其  
模範惟大冶有鑄金之妙良工收琢玉之功况漢庭  
發策本之明經而近代程文自有定體欲造科場之  
捷徑須求事業之專門伏惟殿元先生藻發儒林道  
傳絕派繼踵于黃氏三山之後探賸乎上古八索之  
前而又馳騁乎百家通貫乎六藝春闈陣合筆驚風

雨之聲夢澤曾吞文麗江山之秀久矣倦游之興偉  
哉樂育之心倘蒙憫小子之斐狂永以為國人之矜  
式高懸絳帳嗣音敢自於吾儕仰屬青衿固讓毋勞  
於謙德謹疏

襄陵縣重建飛橋化緣疏

伏以平水滄川依約金城之舊彩虹沉影空餘華表  
之遺矧當晉秦南北之衝有秋夏泛溢之阻憎清者  
心存肯搆力振前修經營者已數年奔走者幾萬里  
每以力微而事大懼夫始作而終衰驅石必東海之  
鞭洪波可駕街木仰西山之鳥尺喙徒勞在他邦果  
於義為豈鄉國獨無至意倘垂一諾過重千梁少分  
有限之功陰受無量之福公私安濟免勞鄭國之乘

輿遐邇具瞻復覩河東之偉觀謹疏

追薦孤魂化緣疏

切以辭辯游魂雖著長終之變傳明滯魄深詳爲厲  
之文久失所依誠爲可憫痛彼河南之戰重爲天下  
之傷血殷溱水之波尸蔽奉寧之野兵自休者已三  
紀祀而存者能幾家野祭不來愁絕喪元之勇士沙  
場半歿盡爲亡社之遺黎蕭條蒿里之悲風黯慘棘  
林之老月尚過者動壘裡之嘆况仁人同桑梓之情  
義所當爲祭而非誦凡我見而知者忍不聞斯行諸  
故謂同盟畢茲大事魂兮來些庶幾貴賤之攸歸心  
獲所安不謂幽明之有識倘蒙金諾請掛銀鈎

上張宣慰疏代劉進之作

切以辱甲子於泥塗趙武有由吾之冀轉江沱之窮  
鮒昌黎云投足之勞懷古傷今而復有此進之先生  
文摩屈壘心醉麟經學詩得東野之窮好學有征南  
之癖以壯歲負并汾之氣幾年爲河朔之遊老雖益  
堅空至於屢拭白首窮途之淚夢黃雲畫角之秋思  
歸散廬得甘餠粥撫孤松而吊影望先壠以含悲具  
爾是逢翻然可駕麥舟惠顧一帆助順濟之風華表  
歸來獨鶴遂長鳴之願伏惟使相學士閣下氣嚴霜  
簡名在帝心炳趙襄愛日之輝聳吏部泰山之望爰  
從公議兩鎮名藩承流已浹於河汾宣化又漸於海  
表去國見似之者喜同聲亟相應之情嗚呼託子而  
來嘗切慕古人之義請書而去思游揚足下之名爲

成尺素幸念鄉扮之舊與分鄰燭之光倘  
請題芳字謹疏

為宋儒揚從龍贖身醜金疏

切以觀軍府而釋鍾儀傳美晉侯之德解左驂而贖  
世稱晏子之仁古則云然今亦能爾唐風雖儉  
義則豐荆璞未逢遇和則售士人揚從龍者晉州  
客吳會諸生念江湖當波蕩之餘得升斗遂身安  
在士庶官寮之者當體寬恩以吹噓惠費之仁  
不過一謙倘蒙金諾請署芳題

筭學主善疏

眷言六藝數  
之先訓彼群蒙業必專門之者  
伏惟宜之先  
術窺海鏡心洞神機以勾股而測高

深極乘除而  
盈縮挾此九章之妙屢為一卷之師  
倘許光臨豈  
口傳要訣同趣開悟之方手筭  
萬籌庶無倒顛之  
謹疏

為刊

全疏

發明  
德豈惟鄉國之賢閑繫民風庶見  
事為者凡一十五卷計字數近六七萬言

其傳必錄諸粹惟是閑居之久苦無力量之多  
費口糧倘蒙少助雖夜光明月不為暗投公等  
我正賴有此耳謹疏

太康縣初建忠武史公祠堂疏

伏以臨危脫難無深骨肉之恩報德靡忘莫重春秋  
之祀  
太尉忠武公曩分帥闡東徇京畿擴仁心而

歛兵鋒招拓城而降陽夏繼來臨戎尤盡撫綏雜耕  
無相擾之私按堵享維新之樂百年父老廕自餘休  
三尺兒童慶延史氏今將起神祠於舊里昭大德於  
邦其等雖經始於一時敢獨專其至美庶憑衆力  
易見成功具我時瞻要擬甘棠之木眷言遺愛豈惟  
墮湊之碑凡我同盟請題芳字

秋澗先生大全文集卷第六十九

卷之六

七

開化圖書館

kaichua library

開化圖書館  
藏書  
百餘種  
其至  
美矣  
茲  
將  
其  
目  
錄  
列  
後

開化圖書館

Kaishwa library

開化圖書館

Kaichua library

趙

開化圖書館

Kaishu Library

開化圖書館

kaikwa library


Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17

Inches




秋澗先生大全文集  
一七

開館圖書  
Kawamura Library

開化圖書

Kaichua Library



**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color